

贛州府志卷之三

輿地志

城池

郡縣必有城禮記云城者黃池以為固所以衛民也

贛州府城創於晉贛縣附郭雩都遷建於唐信豐龍

南修築於宋興國會昌始於元安遠定南長寧始於

明會昌之早角長寧之黃鄉新坪或更設城以禦寇

繕完守聚金湯可恃也蓋茲土者盍亦思民係於城

城係於德歟

贛州府城池贛縣附郭



贛州府城晉永和五年大守高琰始建土城於章貢二水

間義熙二年徙贛水東宋為南康國城於雩都梁承聖

初復故處舊城在秋華坊今古城舊處有城基唐末盧

光稠斥廣其東西南三隅鑿址為隍三面阻水通宋熙

寧中州守劉彝開水牕以防水患通州守孔宗翰因貢

水直趨東北隅城屢衝決甃石當其齧冶鐵錮基上峙

入境臺後守梁繼祖趙繼善趙公爾陳輝高夔張貴謨

楊長孺鄭性之相繼加葺張元時圯至正十三年監郡

全普庵撒里重修十八年偽漢兵攻五閭月城陷其將

熊天瑞據之稍加修理明初吳二年指揮楊廉重修通

成化二十一年知府李璉宏治六年知府周鳳繼修九

年都御史金澤開鎮於贛檄知府何琬推官張嶽增高

二三尺十三年都御史韓邦問葺之正德六年贛撫周南

繕治一新周週十三里共二千五百十二丈崇三丈為

警備六十三雉堞四千九百五十二地形南衍而北銳

東北二面阻江為險自西津門起至鎮南門有濠計長

五百五十二丈闊十三丈又自南門起至百勝門計三

百八十五丈深五尺有奇闊十四丈舊有十三門其永

平後津朝夫永通貢川安教巽川興賢八門已塞今開

者五東曰百勝南曰鎮南西曰西津東北曰建春北曰

湧金各建樓其上百勝鎮南闔閣各二層置大砲二座

十年春霖圯一手三百餘丈十三年夏久雨圯六百三

十八丈張志知府邢珣先後自顧撫蔣昇王守仁兵備楊

璋修補完整通志明年復圯三百四十餘丈張志兵備王度

檄知府盛茂重修嘉靖十三年顧撫陳察重修羅欽順

鄒守益俱有記通志二十五年大水圯顧撫汪尙寧兵備

游震得知府王春復大修四十一年顧撫陸穩以形家

言開興賢門尋塞嘉靖末知府黃辰萬歷間知府徐應

奎黃克纘柯鳳翔相繼修三十五年各城樓鋪頽圯顧

撫李汝華檄知府陸化淳委經歷戴金臺縣丞李乾蔭

督修糜帑金九百七十一兩有奇三十七年顧撫牛應元

復開興賢門未久復塞四十二年水各門俱有剝塌顧

撫孟一脈發帑金四百七十兩委典史陳一訓董築四

十四年復遭水圯又發帑金一千九百五十三兩檄知

府楊瑩重修天啟元年春夏淫雨衝壞知府余文龍申

請守道王化行顧撫周應秋支稅銀一千九百八十兩

修崇禎十三年顧撫王之良易雉堞爲平垛增高三尺

張志國朝順治三年建春湧金西津各門樓俱焚十二年知府

郎永清修復建春西津二樓康熙二年望江樓火焚顧

鎮姚自強修建丙辰丁巳間賴撫佟國正守道王紫綬

檄知府郭毓秀修葺張志四十三年水圯知府朱光圉倡

各縣令捐俸補修計費七百餘兩張志五十八年知縣張

瀚修葺乾隆八年知縣張照乘署知縣馮淳請支帑銀

九千一百五十三兩修葺並繕治八境臺及各門城樓

後復圯九十餘丈二十五年知縣朱辰知縣沈均安勸

捐銀三千五百八十兩修葺舊志五十二年知縣張昉重

修嘉慶十九年大水城傾四十餘丈知縣劉臻理倡勸

捐修縣志道光十五年署縣事鹿傳先勸捐修葺城一百

九十七丈堞一百二十餘城樓五護城石隄一百十六

丈有記二十七年知府周玉衡勸修新志

本仁按縣志嘉慶時巡道查清阿捐修八境臺縣丞

陳大森監生徐祖祜捐修南門城樓三座劉厚裕捐

修西門城樓二座城內八典捐修湧金建春東門城

樓四座職員謝茂滋監生許以疑捐修城身工與於

甲戌仲冬至丁丑孟冬歲事因無碑記附列於此

### 明羅欽順重修贛郡城記

凡郡邑所治必有城所以盛

籍於是乎藏錢穀兵甲於是乎備衣冠文物於是乎萃

關乎政體誠亦重矣故設險守國聖經明以為訓况乎

利害所係有不止於一郡一邑者其於圖維經外容不

加之意哉贛之為郡宅江西之上游當五嶺之要會其

地與閩廣湖湘諸郡邑大牙相錯地段巖險故其民或

不盡馴乃宏治八年朝廷特制都御史一員奉璽書握

共待建行臺於贛以鎮撫之而茲郡遂為重鎮所賜履

西起湖之林桂以接於南安跨廣之雄韶惠潮東躡閩

汀漳以溥於海凡為道五為府若州九為縣五十八自

其三司而下皆聽節制贛城周十有三里國初因前代

城池

之舊締治一新百數十年來隨壞隨葺行臺既建則議者多病其高厚不足非所以重根本也嘉靖癸巳瓊山唐公平侯實當是任爰采羣議將增築之會稽撫山東於是嘗熟陳公原習來爲之代議以允合登城達觀具得其實蓋薄者十六七身者十二三且探敵無串樓守望之舍率凌陋而稀闕經畫既定乃令羣工塼薄增卑務令齊一缺者補陋者闕無或不周屬副使邵煉暨知府顧可久董治之選文武吏士之才者通判陳琦程文等分理其緒公復時一臨視以獎其勸工興於是年季冬至甲午仲冬始畢所用磚墜木瓦諸物共計若干皆市以平價人工計萬幾千幾百工率均之募兵費監稅白金七千數百餘兩樓櫓飾備陳堞完新廉隅峻整內壯保釐之形勢外聳望走之觀瞻風動萬山之中庇及百城之遠其所盛受者段大而爲利亦無窮矣詩云迨天之未陰雨徹彼桑土綢繆牖戶今汝下民或欣侮予斯役也於是詩其有合哉公蓋深於詩者節儉正直美麗羔羊勞來安集功光鴻雁地利人和於焉兩得之矣欽順吉產也距贛伊邇實同厥慶故樂記斯役之成爰授謝推官宗孔以歸俾鐫諸石庶幾來者念功之不易相與嗣守之惟謹云

贛府城街巷東門曰百勝門坊一曰寅賓一曰崇孝長街

舊志所稱是爲直垣軌道迤南曲徑通金家井稍前委巷爲古馬孳巷俗訛馬齊巷麻資巷按五代史盧光稠通貢朱梁梁以爲防禦使置百勝軍百勝門所由名也志稱盧光稠時始擴其城於東南則瀕江渚渙皆爲光稠蕃牧地曰馬孳曰馬市曰馬營曰馬路歷代相沿矣又前爲鬪富巷亦名豆腐巷又前經左營衙署達水塹口地窪下有水門蓋洩城東南之水也字說塹阬也亦曰城下水舊作水站誤上有橋曰度龍橋畔隰地多沮洳居民分畫種蔬旁則廬舍鱗集其高出者爲夜光山

巷爲草城巷直前爲誠信街迤左爲壽量寺太尉廟前  
改逕油底巷卽油槽巷達東門井古義泉也其源不涸  
董志曰義泉坊先賢書院爲宋澹軒楊先生故宅淳熙  
甲午提刑趙希龍建明通判鄭暹知府邢珣相繼修復  
改曰義泉是爲五書院之一其四書院曰正蒙在金魚  
坊曰鎮寧在察院前曰富安在祥符宮謝志又曰夜光  
曰澄清在青龍井皆陳蹟也出井前卽南市街上接世  
臣坊街右小巷爲古觀巷通三官廟旁爲大濟倉舊志  
之登雲坊也亦宋貢院取土地參府在其右爲權使署  
自巡道攝權關改爲普濟院院前曲巷通忠節營俗訛

爲弓箭營迤前通

萬壽宮

前志云今改  
顛縣學宮

左爲城隍廟

後與三官廟對者爲楊判巷廟左直下爲齊菜坡皆出  
南市街兩對巷爲太尉廟井巷爲橫木井巷入巷歧徑  
逶迤多池塘園圃茂木濃陰所謂水脈洞也地宅雲連  
者昔爲許氏新府今易民居馬孳鬪富羅家諸巷通焉  
水脈洞之高出於南市街者爲桂家嶺獅姑嶺入巷有  
井出巷左入南市街右經羅家巷口達五顯廟前右轉  
爲塔下寺經社倉慈雲寺塔在寺內凡九層爲郡城之

雄塔西隣府城隍

萬壽

前志云今  
顛縣學

關帝諸宮廟地與

城南崇文坊相屬又前經後營衙署署前爲馬市街直

巷達興賢門俗謂小南門署西為大佛寺即古景德寺亦府縣學宮舊基泮池即洗硯池疑為鍾紹京所書臨

池禪院古蹟處

縣志云景德寺舊名安天在鬱孤臺南明成化時知府曹凱以府縣兩學遷其

地寺遂廢彭時記云寺地隆高亢爽後接鬱孤臺前對崆峒山則謂在城東隅俗呼大佛寺者悞也又按于奕正金石志云謂臨池禪院四字在惠靈院府治東五里與洗硯池自是兩處牽合為一似附會對寺小

巷達真諦庵

前志云今改為一貫堂

庵西為精忠祠岳武穆遺像

及手書石刻在焉又前對巷為大井頭過此即交衢而

與鴛鴦橋江東廟路歧分焉由五顯廟直前不數武左

右對巷一達馬孳巷一徑光孝寺曲而前為趙公衙背

折而左繞出金家井直前左經東勝山寺極於養濟院

之委巷焉光孝寺者俗謂出水寺旁有泉即廉泉水極

甘冽日三溢廉泉亭暨書院在其左坡公題咏在焉方

輿勝覽云廉泉在報恩寺本張氏居宋元嘉中一夕霹

靂忽有泉湧時郡守廉故以為名過書院前有井亦曰

三潮井蓋俗與廉泉互稱而不分也書院後高出者為

筆峰山寺寺與塔下諸刹宇參差相望今廢舊瀝溪祠

即其址右迤為小井頭趙公衙背左迤即興賢門今塞

過興賢門下為真諦庵

今一貫堂

上為妙音庵稍前為大井

頭為馬營旁有碑今仆其上崇墉方廣者為拜將臺盧

光稠講武處其下為蓮花塘經姚府達謝細巷鴛鴦橋

自南門入曰鎮南門由梁以爲鎮南軍得各樓曰南華坊曰崇文曰文明一直大街卽舊志所謂陽街也南北相對直達老府前從右巷經淨土庵爲馬營左有巷曰陳家巷巷口井爲文明井亦曰七星井巷內井爲黃土井曲徑迤邐西南地最曠鼎革後居民鮮少亦多池塘林圃聞舊志之池湖巷卽在是一望林木蒼蔚者爲接教庵權使霍公焜所構暨宋犖題詠在焉庵左繞出大街爲楊漣巷對巷卽中營遊府署過署爲謝四巷見於董志或呼爲謝子巷謝志曰謝細巷音之訛也入巷一直達姚府後接鴛鴦橋對謝細巷爲夢醒庵又前有小

巷進宮保府

案今購爲府義倉

其左小巷亦曰謝細巷達鎮署

前大街又前爲武學巷明天啟初詔天下建武學今惟廢址存焉又前爲白衣庵旁有井曰皇華井今埋井右小巷亦通武學對巷卽鎮署孔道署蓋舊使院古館驛前又曰皇華巷或曰行人故坊名也亦曰華萼坊疑舊志之華萼巷在其左右經般若庵稍前有巷曰白塔巷昔人開池得白石塔巷因以名或又謂卽華萼巷然舊志分別兩載或傳訛也又前爲贍均厰巷巷左卽總鎮署署西南曲巷有井亦曰黃土井或謂卽舊志皇華井之訛過署爲四路口東接參府前南徑江東廟北爲青



龍井舊志之澄清坊也稍前小巷曰絲髮巷皆鎮署左  
路署內有常忠武王祠遇春下鎮時不戮一人贛人感  
而祠之大街又前至青石坊爲謝春坊少南立今圯左  
一巷爲熊盛巷詔爲城西洪成巷巷有井爲牛皮井今  
亦智井矣坊右稍前有巷爲花街巷卽花萼巷達白塔  
巷對贍均庫巷大街又前爲孟衙巷對靈通廟廟右爲  
古尙書街達龍虎井一直繞鎮署後井旁卽白塔庵對  
井爲普濟庵左一巷直達鎮南廟從靈通廟稍前左轉  
委巷爲九曲巷故馮衙巷也過巷口卽軍院前處院署  
在焉今爲分巡道署院前有池曰鏡池亦曰鳳凰池經

院左爲都倉廟卽老倉故址過倉前爲鎮南廟經入

井達會府本贛州衛署左有贛衛義學前有五寧樓於

贛五門道路適均地之中也院右卽大街經西爲老道

前院署後爲牛衙巷通府學前

按今塞

山西津門入坊曰

孝義曰孝善街曰西街舊志曰橫街直抵湧金門蓋對

南北之縱而言也南迤城曲可達孟衙熊盛二巷指熊

盛爲洪成者承訛也稍前爲雷屋巷又前爲馬札巷分

巡道署右巷也今改爲府治巷盡處爲張公廟廟側巷

爲張公廟背署前直達洪成巷有口金圭嶺者地悉平

坦疑卽龜嶺之訛署東南汗池空闊處爲清水塘項揚

廷麟殉節處為明劉孝廉曰份之涉園池在昔賈副軍宅後署左為鐵櫃塘又前為天主堂舊分守道署前志云今倉又前為天一閣後巷出新開路迤右即馮衙巷巷

口井俗謂楊老井尋堙康熙辛卯郡守朱光圉修復得古碑為鎮寧井不數武出大街軍院前西街又前左小

巷為鹽倉巷又前為王將廟巷巷通花園塘對巷為新開路明郡丞盧觀象宅在其右宅前有池深廣直鐵櫃

塘即觀象約州倅月世光止水死難處西街又前為縣

學前志云今學宮移復東隅紫極宮而舊學改建為萬壽宮左為上諭亭學後為鬱孤臺

案道光二十三年郡守王藩重建陽書院於臺下其西隅又建望湖臺臺西為花園塘因

宋時有洞天飛橋苑得名臺東北為王城盧光稠偕

擬地按光稠官僅節鎮稱王無考而謝志凡例有云諱

言稱王事又虔之流語有云盧王天子地曰磨打盧王

背豈當時嘗擬僭而未成耶其在隋大業間則有鄱陽

林士宏據虔稱南越王矣王城之稱其來已久而或者

誤皇為王又謂明唐王將駐贛而得名失其實矣宋以

後皆為府治今為學使署前有宣明樓前志云樓踞甕城上又前

為四賢坊相傳為趙清獻周濂溪劉都丞文信國立案坊

久廢道光二十五坊左右皆有井所謂獅子兩泉也右

井以堙康熙戊寅郡守王用霖清出得鐵井欄焉案井近

又湮於民居道光二十四年州井前為豆市與坊下交

前街火井始露邑人捐貲修復

衢四達西接縣學前志云今萬壽宮東接縣治直前為州前沿

舊州治得名闔闔駢闐與馬之所交錯左為均井巷右

為新開路稍前為天一閣閣下井為太陰井閣右小巷

為瓦子巷前志云通天閣後巷今以照磨巷名之過閣即軍院

前對閣為府學前舊志之瓦市街也按道光五年新於郡學前闢青雲路

二十年建青雲坊由坊右轉軍院前左轉小巷仍通府學前

左為名賢祠祠左為唐子巷前志云又前為終公祠祠對街為八角井又前

為排樓街金魚坊內有池即金魚池池有巷過池又為

池隔巷今塞池於元末廢為民居明景泰二年訓導司

馬軫白撫院韓雍清復得其遺蹟贖以官錢既而復為

民居正德丙子郡守邢珣又復清出池東西五丈五尺

南北四丈三尺古巷闊七尺池旁隙地長一丈七尺闊

一丈後復堙嘉靖壬戌顧撫陸穩檄勒復建金魚坊郡

守黃辰於池上建書院即舊文昌閣是為會府後由湧

金門入坊曰鳳池曰通利街曰橫街街口又為鎮遠鋪

北繞垣下為馬路巷又前為上下寸金巷又前南路為

米市街胭脂巷在其左今塞旛竿巷在其右過紙巷口

為樟樹街極於行祠廟橫街又前南轉為攀高鋪達旛

竿巷北轉為靈山廟前而寸金巷又繞出於右也左有

城池

巷達白家嶺按今俗訛呼百家嶺曲通於縣城隍廟後白馬廟前

巷內井為白家井又前有巷達東溪寺對巷不數武即

靈山廟廟南向兩古榕交蔭焉廟右井為橋口井今塞

從橋口右轉繞出靈山廟後為李王塘近城脚即馬路

巷小橋覆處有水門福壽溝水之所從出也徑北達八

境臺從橋口一直達朝天門城之北門也光稠名此志

其臣服中原有若尉陀朝漢臺之義門久塞左側小弁

名朝天門井雖早不涸徑西達章貢臺繞舊府治後而

白鵲翠玉月華皂蓋諸蹟咸於此求焉從橋口繞舊府

治左旁有井為金沙井井不深味甘異他井徑西為東

溪寺寺前為廊背為白馬廟皆歧出舊府治東橫街又

前右兩巷為上下竹樹巷井為竹樹井左一巷為景鳳

山巷巷口新建育嬰堂按育嬰堂今已移在府署前左山有真武廟即

舊志之景德觀下有井為鳳眼井廟右為鳳凰臺臺南

為龜嶺龜岡古通稱也同地而異名矣橫街歷級而上

為縣岡坡上有元帝閣即雲峯拱秀閣經縣城隍廟縣

治直至四賢坊交衢從閣右迤為白家嶺達靈山廟左

迤而下為米汁巷至康公廟折而西出州前為均井巷

過廟稍前兩巷相對右即唐子巷左即龜嶺直前為東

園鋪為姚衙前極於紙巷曲徑右前兩小巷一達嵯峨

寺一達呂屋巷明妣指揮宅基在其左宅旁井爲東園前井井有巷東接旛竿西接通利坊嘶馬池宋寶慶丁卯郡守聶子述按蹟復之築堂其上扁曰人傑地靈歲人堙沒正德丙子郡守邢琦於指揮姚璽宅清出直闊三丈五尺橫闊二丈二尺環甃以磚後復塞嘉靖壬戌顛撫陸穩重清太守黃辰定其界址後仍塞康熙戊寅太守王用霖濬復而未盡其舊舊志所稱池溝水脈亦不復可見其可見者鐵爐巷姚衙前靈山廟而已池上巷曲逼者則龜嶺景鳳山攀高鋪由東園前井對巷爲單井巷巷有井卽單井井畔路旁出卽呂屋巷出單井巷爲棉布街上接排頭街下盡行司廟自廟前而上卽經卽公祠左轉鐵爐巷上則過進士謝詔石坊坊左卽鳳凰池池下有井卽鳳凰池井志稱舊傳池生石竹有鳳棲其上宋寶慶丁卯郡守聶子述構亭其上扁曰鳳凰池卽此然證以志論三池鼎足相望於義爲近而非南街之鳳池矣池上有祠舊祀謝桓愨今併屬山陝會館之關帝廟矣池右爲黃仙觀觀有雷壇今皆爲民居池左爲壇背巷外通中塞稍前右轉爲嵯峨寺巷過此卽入排樓街接龍船廟由建春門人皆東北門也與湧金門樓堞相連門以內舊各設兵馬司令人直以此門

郭外孺地名之矣垣內馬道下抵湧金門上接誠信街直前西對觀音閣折而北爲磁器街商賈之所輻輳舊志又謂劍街由米市達唐步唐步者亦城東門也在左營署前今塞街左爲柴巷人巷左轉爲梁屋巷繞出於觀音閣右爲燒餅巷右轉爲西來菴達鐵爐巷直前高處爲雲峰壩通世臣坊過柴巷稍前爲馬齊巷又前爲曹老巷入巷小徑右出爲施公巷今塞出曹老巷橫通鐵爐巷曲而前爲龍船廟巷街之交衢處爲行祠廟決凶行刑地也樟樹棉布兩街相對從觀音閣南轉爲壇前上壇觀左其左舊志所謂陰街自上壇達軍院前也觀左稍前有小巷通誠信街爲興隆巷壇前折而西街盡處爲六合鋪右通梁屋巷左達油槽巷暨東門井曲而前爲姜家巷巷左爲老古巷亦達東門井出姜家巷爲世臣坊因宋曾文清公祖父子孫奕世貴顯得名也坊之東爲東門井西爲上下龍船廟下廟左巷達鐵爐巷對巷井爲龍船廟井上廟左爲古城巷過此巷卽掛樓金魚坊矣由世臣坊南曲而西爲三佛堂前聞之月氏後人云其先祠堂在是開池得三古佛像因以爲名俗說爲生佛也交衢四會五達北合古城西合會府南合青龍井暨打鑿巷是爲五路口

謝詔曰按郡城內三池鼎足相望舊傳池各有溝水  
 豚交通常注不涸鳳凰池地臨通衢清泓如故嘶馬  
 池金魚池僻在委巷易於浸沒自宋元迄今時一清  
 理然通塞無常追尋不易久之且失其故址矣夫三  
 池之開繫人文之盛衰卽形家言未必一一皆中願  
 相其陰陽觀其流泉自昔考卜者不廢也石識相傳  
 已久豈盡悠謬不足信耶  
 又曰福壽二溝昔人所穿以疏城內之水也不知創  
 自何代或云郡守劉彝所作近是以其達於治水也  
 闊二三尺深五六尺甃以磚覆以石縱橫迂曲條貫  
 井然東西南北諸水俱從湧金門出口注於江後因  
 民居架屋其上水道寢失其故每歲大雨時行東北  
 一帶街衢蕩溢廬舍且瀦為沼以水無所洩故也  
 又曰舊志贛州為通天龜形十縣為蛇形號十蛇聚  
 龜郡城中獅子兩泉鳳凰嘶馬金魚三池紹興丁卯  
 郡守曾慥修譙門掘地得石上書識文云穿開獅子  
 兩條泉九秀迴龍出大官金鯽魚池賜金紫鳳凰池  
 上出名賢又相傳以為郭璞遷城記又識曰塞卻三  
 池人少糧詞皆鄙俚當屬堪輿家言以三池為一郡  
 人文所萃宜詳加疏導云

贛郡城內外區為八坊鄉分為六曰大由四會長興愛敬

章水雲泉為都凡五十坊都皆有畝凡一百有九畝凡

十里城內之畝東坊五南坊二西坊三北坊四城外則

城東坊一西坊一水東坊五水西坊一大由鄉七都凡

十六畝愛敬鄉七都凡七畝四會鄉三都凡三畝長興

鄉十都凡十三畝章水鄉十五都凡三十九畝雲泉鄉

八都凡九畝市十七洪公赤罡龍江武泰藍江務東江

務平固磨刀清溪田村泰湖長演龍下維木瀆口韶陂

藍田其鎮三七里黃金攸鎮其墟二十沙地蘭塘道塘

江口鹿灘下湖長洛玉田大湖江五雲橋石院塘茅店

社埠沙石韓坊王毋蟠龍龍口大埠楊埠城內之井凡二十四四賢坊井左右各一即獅子泉也金家井東門井大尉廟井師古嶺巷井大井頭井三潮井陳家巷井一名文明又名七星皇華井黃土井青龍井牛皮井龍虎井白墘巷井鎮寧井即楊老井得古碑知之太陰井八角井白家井朝天門井金沙井竹樹井鳳眼井東園井單井龍船廟井

郢城舊坊激濁湯清整綱飭紀二坊巡道前承流表帥宣化

承釐二坊府前四賢坊舊府前今重建虔南首邑坊縣前古虔雄鎮

坊南門外世臣坊為會準會弼會林會開會幾會逢會

元及第坊池夢世進上坊謝芳謝少南進士坊二郭仕謝詔解元

坊謝均攀桂三封巽鄭敏劉璟青雲劉遜梯雲賴敬登雲二劉勗徐奇擢

秀余寬觀光余璉登瀛黃寧文魁劉顯躍龍門周安彩鳳鳴陽王欽登

第仁會大科膺薦余光昌運登庸黃鏗皇華許恒柱史陸載廷尉會恕

中丞黃鍾大參李地宮家謝少南宮保尚書謝陞豸繡劉思旌孝

謝旌義郭文斌呂彥文三節坊劉伯祥妻廖氏澄甫貞

節坊劉辛二妻謝氏朱崇文妻劉氏節孝總坊學宮左篤

孝譚聖貞節坊陳大占妻李湛聖明妻李屠正起妻劉

張宏祚妾陸謝上逢妻王舜士元妻謝潘元楫妻鄔陳明遠妻屠羅坵妻沈甘應聘妻黃劉階升妻曾陳大度



妻朱王二愉妻汪龍顯樞妻王姚景諒妻劉傳天麒妻  
 管郭賢俊妻陸會文琮妻許袁嘉祿妻龔謝應遜妻黃  
 鍾元祥妻邱黃正亨妻湛王永基妻何羅大位妻吳謝  
 賢士妻周王安兆妻鍾鍾雲上妻管黃信瑞妻郭鍾世  
 臯妻袁衷世灝妻盧宋聖瑣妻胡鄧維昌妻陳郭宗孔  
 妻温曾士康妻戴韓鳳淫妻黃鄧帝作妻陳羅聘歸妻  
 周劉士焯妻蕭朱擴妻吳吳世臣妻陳鍾愈晶妻劉鍾  
 愈昶妻朱黃啟蕙妻盧李元瑒妻廖李習思妻舒羅修  
 适妻姚蕭時俶妻宋袁廷楷妻童吳因端妻郭張宏祚  
 妻唐張永通妻陳明啟璋妻姚氏連良衫妻羅氏  
 貞節姓氏例得建坊者備詳列女傳茲據已建坊者  
 載於此

雩都縣

雩都縣城自唐貞觀五年始遷今治張志卽灌嬰者壘縣志爰

立土城計東西一百五十步南北九十步高二丈六尺

厚一丈五尺濠自北關折兩派左自北而東盡智門寺

右自北而西盡永安門各注於江環護城堞唐末城圯

土基僅存張志宋紹興十五年縣令劉藻縣尉王觀光增

砌以磚明年水圯四之三開禧四年縣令趙希閔補築

紹定間縣令鄭仲度復修張志元初毀末年始詔築城至

正十三年署縣通判王榮忠仍舊基修築圍五里崇一

丈三尺建六門東曰迎曦西曰登豐南曰通津北曰望

雩東南曰雩壇西北曰小西上各建樓南臨大江三面

爲隍闊一丈五尺工將訖梅賊奄至遂廢明成化二十

一年參政秦民悅檄知縣羅肆修砌宏治二年副使張

璉建樓五座立門五東曰起元西曰西成南曰南薰北

曰朝天西南曰永安張志知縣黃文絨建警鋪二十八間

十四年王簿林洪建南門兵馬司三間十八年副使李

宗泗檄知縣高伯齡闢內外馬道正德七年知縣劉天

錫增高三分之一修警鋪二十九座為雉堞一千七百

闕外馬道一尋十三年夏雨圯知縣嚴鑿修十八年春

雨復圯三十餘丈署縣事巔縣王簿梁珩修嘉靖五年

南薰門樓災典史郭尚達重建二十七年復災署縣事

南安府通判韓恩重建三十五年夏洪水圯五之三副

使游震德督知縣羊修重修張志邑人袁端黃宏綱先後

為記舊志萬曆十年洪水復毀南薰西成二門城垣知縣

劉昌祚重修十五年知縣楊遇防水嚙城基增砌南薰

門外馬道二十一年知縣黃應元創設水障使趨南岸

天啟三年南薰門災四年署縣事通判蘇官召重建崇

禎十三年知縣鄭楚勳增築城垣視舊高三尺有奇每

雉堞二并為一西南築敵臺一座分巡副使陳士奇又

令闕內小馬道十四道十六年知縣張魯傳築東北敵

樓一座

國朝順治十六年知縣李祀之修葺五門城樓建瞭樓六

張志康熙三十二年雨圯二十餘丈知縣趙愨修葺舊志四

十三年大水城圯六十餘丈知縣盧振先修葺張志四十

貢州府志 卷之三 城池

五年復圯再加修葺築堤東南河岸四十餘丈以防

水患曾紹侃記嘉慶五年大水城圯知縣徐培倡修朱華

國記縣志

明袁端重修雩都縣城記

雩都古揚州之城漢陳隋唐四徙其治貞觀中安撫使任

公懷玉從治南康故郡即漢將軍灌嬰所築壘之故址  
迄今因之宋縣令劉公藻爰築土城元通判王榮忠始  
易以石於是民賴以安至我朝張文弛武城圯隍湮邇  
年以來羣不逞輩乘間嘯聚大參秦公民悅以雩當二  
省往來之衝為十邑腹心之地遂區畫興築時閭右競  
出金穀以濟乃命知縣羅公肆司其事分命義官管延  
薦劉紹易明李景珍景曾景茂以程其工秦公以陞去  
大參張公琳兵備副憲張公摠相繼督勸申命義官蕭  
子欽等分方計日而責成焉始事於成化丙午春至明  
年冬城成又明年秋樓櫓成環甃磚石表裏如一周迴  
五里視舊加廣羅建五門表以新名南曰南薰北曰朝  
天東曰東阜西曰西成

為金湯所以衛內禦外與變消虞維持太平於承久者  
不有在於斯乎工既訖功大役告成庠生蕭鳴鳳李櫻

胡馴嚴鑑黃玉輩相率請予文鑿諸石以垂示無極鳴  
呼重門待綦見於易有備無患著於書若是役也固賢  
有司所宜用心者春秋常事不書興作創制則備錄之  
是役也又法之所宜書者予不敏謹記其顛末如此以  
為後之生於斯 黃宏綱重修雩都縣城記 雩都君顧屬  
仕於斯者告

壤舉而憂虞廣由牛嶺隘南接信豐而連龍南由豐田  
隘東接會昌而迫安遠山澤不逞之徒間道竊發則紛  
亂急遽不可為備所藉而恃者惟城為要嘉靖三十五  
年丙辰四月大水驟至七月水勢益驟而彌大後先並  
踰三日始落官廨民廬公儲私蓄漂沒殆盡城堞之上  
可通巨艦城所不浸者獨逾北一隅耳所傾覆者凡三  
百六十丈殘缺圯壞往往如是父老訟言前所末聞今  
始駭觀傍徨咨嗟相與謀曰寧無慮無寧無城於是邑  
侯鶴岡羊公履任僅四閱月舉措張弛綽綽見其端緒  
顧已繫民之心矣咸涕泣以訴於侯曰無城是無民矣  
廩無餘留矣帑無餘支矣城將奈何侯曰我之責也若  
第勿置急於懷舉事有序則功不勞而事易集否則徒

為傲傲耳咸應聲曰諾惟侯命又曰家擇一人家衆者倍一人分城而督之不復使毫髮費又曰城當闢處用磚丁四稍狹則三面則復輒又應聲曰若是誠固矣美矣其如費何曰今日固費他日之費猶甚也第為之我且竭力乃戒窬人曰磚固則城固磚速則城速值以時發磚以時至凡窬之為磚千為日十次第而繕之則次第當至後至者罰於城侯日至城而視之或再至或三至督城者私為糜以相餉侯為之嘗其旨否於是諸凡益相勸六閱月城成而風雨且過半矣城之外故有馬道道之外有池池屬於民久日規月削道不盈三尺侯曰城基之不固池之浸潤為之也豈一朝夕之故哉自今馬路必盈丈有不盈丈者罰於道民聞之爭相增築不市月遂成孔道於是邑之父老謳歌於城鼓舞於道舉欣然相告曰官家舉事未有不經夙構不留漬滯而能望其有成者是城之修也出於倉卒成於速亟而要於鞏固縱令營家立宅當不過是切切也咸來請余文以書侯之績余敬受簡於父老曰古之有治行史書於其傳者各以其一事表而見之蜀郡以興學書南陽以溉田書渤海以弭盜書膠東以增戶書愧余非史氏責

國朝會紹侃修城記

粵屬轅上游當五邑之衝遙接關廣山魁嘯聚乘間竊發作雩保障

實賴全城顧城三面臨江春夏之交每遭水決菴茲土者屢修屢圯國朝康熙甲申之五月洪水泛漲城不濯者僅北門數堞自東南西三門城垣傾圮一百六十一丈有奇公廨民居漂沒者十之三四兼前歲無收疫氣並作流亡載道邑侯盧公賑饑救溺撫循備至始有起色顧瘡痍方甚工築難興侯乃命伐木取竹編為重柵為暫時防禦計是秋有年遂捐俸漸修越二年丙戌又汛沒於洪濤間矣侯因思修築之費不下千金公帑既無所儲糧里又不可派會流寓雩都者頗漸殷盛欲附雩籍而苦無因侯因招之俾佐城工費隨其願力所輸填入雩籍於是四鄉嚮應歡欣樂助計收銀若干侯旋發耆老總理其事於丙戌年大興工築堅緻牢穩視昔有加侯又時親慰勞越丁亥三月而大功告竣先是城南濠口地最卑水最猛修後輒圯侯乃合連巨石堅砌隄障以殺其勢至是始屹然金湯矣茲役也計費千金而坊廂里中絲毫無與即一土一磚咸給現錢夫雩民之凋敝久矣使承大旱大疫大水大饑之後少累里民民將不堪又何以作吾雩之保障乎侯乃不擾一民

不效一錢於談笑指顧間俾流寓者鼓舞踴躍以從事則侯之廉能才幹誠足為後來任茲土者法而又以慶勞民雖遭時不造幸侯之來之有以

宋華國修城記

嘉慶

五年秋七月大水凡城牆官署以及民間廬舍盡圯適邑侯徐公培甫下車慨然憂形於色以為此係障百姓者也今之政無急於此者爰於六年冬重建衙署工竣遂與諸紳士謀修城之役焉考邑志明嘉靖丙辰大水邑侯羊公督修國朝康熙甲申五月復大水邑侯盧公勸修城賴以固二公皆仁賢而其事已往矣今吾侯繼之後先媲美焉侯念國家軍興以來所費不貲官修不如民修為便於是捐俸二百金為倡而城鄉百姓急公慕義咸踴躍從事共捐金若干經始於春二月落成於明年春工竣以書來命華國記之乃推侯之心以告於眾百姓曰天下之道之足以服人者惟一公而已矣公則無私無私則民咸喻官之心以為此為吾民也而諒其無他雖捐其所有而不怨焉春秋言築城者不一月令孟秋補城郭蓋城者所以衛民而禦暴而不可一日或壞者也我皇上宵衣旰食憂民之憂凡民有

聖天子憂民之隱其事有莫美於此者為記其源委以復於侯並書捐輸者於後以垂示久遠爰繫之以詩詩曰築城築城侯心怛怛侯力拮据侯費經營民資保障民志騰歡一日無城侯心未安城為爾民非為侯私嗟爾士庶勉力相資崇墉屹屹既固既堅白今以後更千萬年

粵都縣城街凡十八縣前街東街城隍廟前街東門上更

樓街西街斜街十字街三角街大西門街學前街程屋

嶺街衙背街塍頭腦街北門街佛堂前街小西門前街

後街西門下更樓街巷凡九會家巷陳家巷朱氏巷馬

屋巷龍船巷梅家巷廖屋巷蕭家巷巷尾井則城內十

四縣前井司前井李屋井程屋嶺井衙背井羅屋塘井

大西門井城外三雙井韓漚井知味井城中曰坊外曰  
 廂東北爲東一坊東南爲東二坊西南爲西一坊東城  
 外則爲南關廂坊之名有十曰仙桂正誼崇賢豐財儒  
 林明道迎恩攀桂麗景乾道城外曰鄉鄉統里凡四鄉  
 宣義鄉三里水頭雩化唐村也智義鄉二里安仁佛漚  
 今名長興也藍田鄉二里長安青塘坎田青坎舊分二  
 今併一也黃金鄉三里崇賢長樂安富一作安平也墟  
 則率口車頭仙霞觀寒信峽馬鞍石橋頭銀坑鯉汾大  
 田水西賴村青塘潭頭梓山寬田石哈太平黃泥塘黎  
 村小溪馬嶺羅家渡新陂三門灘峽口凡二十五市則

青塘虎井平頭魏田浮田上牢苦竹紫薇上吉禾溪唇

口篋管蘆壩龍潭寅田湖邊凡十六舊有象湖鎮今隸

瑞金九洲鎮今隸會昌止存白石承口曲陽金溪四鎮

坊則理學名賢黃宏殿中侍御袁承天寵命李秘書賴世

進士袁慶祥進士坊共六嚴鐸管樂宋應桂亞魁李壽

宏袁淳三鳳坊何泰何春折桂會奪錦邱登雲張步蟾謝

換袁端文憲會紹桂嚴繡衣二郭端黃門蕭伯秋官舒仰

清白吏嚴貞節坊七李宗仁妻袁吳孔妻孫宗器

世序妻陳邱完賦妻丁氏

信豐縣

信豐縣城宋以前無考嘉定三年縣令萬億仍舊基修築

圍五百四十九丈建門六東拱日西禾豐北朝天南民

信西北清平東北安定又建四望亭於城南隅即覽後

圯明洪武二十三年守禦千戶汪冠仍舊加修高一丈

五尺建警鋪十四雉堞一千一百八十有二張成化元

年知縣李玉又增築五尺二十三年山賊破城顧撫金

澤副使張璠檄知縣倪俊修葺正德九年顧撫周南檄

知府朱諫給官帑增築五丈嘉靖十六年洪水城堞傾

過半十七年知縣徐鑾修築二十三年顧撫虞守愚檄

知縣沈學重修較舊崇五之一隆慶六年顧撫李棠從

形家言開迎秀門於學宮前以迎巽水建文昌閣於其

上天啟中塞崇禎十四年知縣王六如增峻城墉崇五

尺廣一丈添設警鋪加葺敵樓清濠之外塞者開濬舊

基袤一里廣五尺深半之張

國朝順治七年城圯數十丈知縣吉允迪補築十二年至

十四年知縣陳誥楊宗昌相繼修葺康熙三年知縣張

繼煥增修敵樓警鋪十五年知縣劉治國因廣寇圍城

增堞濬濠康熙三十六年知縣方正玉復開迎秀門仍

建閣其上乾隆二十五年知縣程化鵬倡修有記嘉慶

十九年知縣陳天爵修葺縣道光二十一年知縣張宗

裕倡修城墻一百八十八丈重建城樓四座又於迎秀門

建魁星樓新

國朝程化鵬修信豐城記頤為郡地大而民殷粵嶠咽喉形勢要害唯信豐實居上

流為之保障信完則郡益固故重郡尤重信豐信有城

周若千里初始增修具詳舊志自明楊萬諸遺臣據郡

以來繼以韓逆大任往來蹂躪迭更兵燹未免頽夷百

餘年間世際昇平不警烽火城之堅圯聽之矣今

聖天子懷保羣生於御極之二十四年命所在城垣

並亟修治以為捍衛民威感激奮動於是吾信紳士者

老相率集於令之庭曰維古有言城以盛民也今愛我

民故修城以衛民請富者捐貲貧者効力以葺厥事時

乃採石於山陶甃於野董事諸君實心經理諷日鳩工

畚築既萃百堵具興經始首春告成秋杪崇墉屹然山

川壯色夫然後郡城屏障益堅而閭閻之保護尤至億

萬年金湯之固也余忝令是邦既嘉大起事慕義之勇

尤念聖天子教養之澤淪浹而周遍故感應之機

若是其神也爰為文繕石以垂永

信豐縣城南街十字街北街東街太平街上市街下市街

凡七又水東上長街下長街橋北直長街在其外南有

朱屋巷郭屋巷公館巷東有龍鬚巷北有梓巷西有馬

家巷坊有六福德勸善孝義太平長樂承恩井則劉漢

井朱家井鳳凰井所前井義井江東廟井南山觀井出

魚人塞嘉慶二年復十字街南橫巷古井開土名朱井頭東禪寺古井

舊傳開井時得鐵鼓有銅觀音南山古井也縣分五鄉

高六尺餘坐其上銅鍾覆焉

龍泉猶水大樂安樂順仁轄七圖城鄉共編十里里為

十甲鄉分四十堡城內外分九坊城內坊三仁壽福德

孝義今省孝義併三為二城外坊六水東水北南門花



園上西門下西門七里者城東南內外西北內外居其二又合甫里文昌里藍田里巫山里錦石里也縣東自桐木堡至安息下堡凡十二舊有林木堡三分之二歸新田一歸禾溪及白石南十八堡自黃陂至小禾西七堡自桃枝至十里北止長岡星村小坑三堡其在東之百結堡今改為百吉在南之回戈堡今改為鳴珂墟則東鄉安息太湖等十六西鄉焦營流連壩等十四南鄉參口陂頭等十四北鄉星村莒步等十一凡古墟四十五並見宋志今僅十存四五增以新設者十有餘近時又有東鄉之平石倉前中禾隘上四墟西鄉之元和蟠龍仁里九渡水長安下坪六墟南鄉之鎮江奇塘大塘水口大江石寨八字龍洲羅塘柳塘龍下步口竹山十三墟皆今所添設者

坊則循良

王學古

繡衣

劉實

銘恩榮

黃德溫

秋官

王京

四朝甲

第

黃潤黃德溫黃注黃大節

進士

王京黃潤

中丞

甘士

步雲

吳魁

英

曹文奎

俞尚義

張純

貞節坊

黃信義

葉劉

許吳

冕妻劉劉士遴妻王

### 興國縣

興國縣建邑初未有城

張志

元至正十二年判官王榮忠攝

縣事拓地築城

通志

二十三年縣尹陳文彬立甕城覆以

敵樓周圍四百四十五丈高一丈三尺闊一丈東南阻水西北為隍深三尺五寸廣一丈五尺長二里三十步

城門六已塞者二今開者四東興教西惠化南奉符北

泰和歲久城圯隍塞張志明成化二十一年顧撫閔珪知

府李璉檄同知章廷珪知縣達泰重修通志更甃以石縣志

宏治六年顧撫金澤檄知縣陳壽重修增建警鋪後霖

潦城鋪多圯十八年知縣曾選白巡按御史臧鳳知府

趙履祥給官帑修葺正德五年流賊破城郡推官黃紋

署縣事重修張志七年兩圯將半郡守給官帑令縣丞李

音音重修謝志十三年久雨復圯九十餘丈顧撫王守仁檄

知府邢珣給官帑修引志建城樓各一座修窩鋪于四座

度臺志嘉靖二年至萬曆三十三年間屢因雨圯知縣李

菽易道源李雲龍何應彪王芮吳宗周相繼修理四十

七年水城圯數十餘丈知縣蔡鍾有修後山寇破城

國朝順治七年署縣事顧守備李若垠修十四年知縣黃

之麟修石堤二十餘丈高二丈以護城基康熙十六年

水壞東南城十有餘丈知縣黃惟桂捐修易以石基磚

堞並築周圍馬牆高七尺四十三年大水東西南三面

城皆圯知縣張尚瑗捐俸倡修又築石隄於西門利濟

橋以殺衝齧自為記舊志乾隆七年大水城圯一百九十

六文巡道朱陵勘報令知縣靳樹藻領帑修葺並建敵

樓四砲臺各一縣志南門跨濠為橋曰承恩離二十步又

一橋曰廣志東濠水入澉江之口西門外環城至北門

又自北門由東街抵觀音閣皆濠也民居錯處衝狹濠

淤嘉慶二年西大街火威謂濠池未疏之故三年大清

之道光元年西街又火重加修治縣志道光十年邑人江

侶淮捐修東門城樓新

元劉崧與國修城樓記歲癸卯正月甲辰與國縣既浚

城之隍乃三月甲寅又大修城

樓戰屋示戒備也城為門者五門外復合為甕城以包

絡之設重關焉內為正門累石立槿上出重屋凡若干

楹高深各若干尺城周圍三餘里三十步復為列堦以

周覆之凡四百六十有三間一千八百五十二隘工役

圯裂漂銜之虞居而守者無風雨矢石之慮凡遊其中

者如行通市如息廣夏瞻其外則將將乎其巖正奕奕

乎其聯屬而不絕也縣雖小城不亦壯矣乎於是西隅

察某以嘗從事於屬工之役也則來求文以紀陳侯之

嘉績余時過而見之其何可辭夫城所以域民而保險

也而其患嘗在於難守而速壞既浚其池而立之門矣

又重護以甕城之固既建重堦於門之巔矣又周覆以

州府志

卷之三

城池

二十七

不容舫夏秋嘗涸為陸春潦至則溢漏突盪溢塚而齧  
城激江受歲水之合固決然江也瀦於龍王潭以平川  
為名其實峻仄激疾不能紆徐容納春夏之交水潦驟  
發渚涯兩涘不辨阡陌孤城之不勝其衝暴有由來矣  
自前令黃君惟桂丁巳力起修之後二十六年無問版  
築者予甲申履任之春四望鮮有完堞霍霖四閱月汀  
贛兩郡邑載胥及溺壞田廬墜城郭水入與閩南門高  
七尺城之東南崩者四十丈再南而崩者二十餘丈西  
南十七丈城居如坐魚笱羊牢日以攘竊流移為懼救  
荒政舉秋穫有成乃召工計之工以難告訊其故曰始  
築者基未固也陸城之法擬於築牆水城之法擬於築  
堦顧堤法亦有二江河之堤其下土也故用埽用椿以  
禦其衝潰谿澗之堤其下石也石與石相承不拔之基  
矣今始為城者未諳其法欲樹不拔之功非窮其底不  
可予曰諾吾志也乃發民夫劂土深數尺而山根露繫  
次以承石登登而築之土下築基之石較土面培垣之  
石費加三分之二其四十分丈當水之衝突所糜工費較  
他處獨當五分之三所役之夫起於煙窻程以日計石  
取於瀧下水數以船計甃與石灰則召陶人而為甃凡  
砂石甃灰之值工匠之工皆視齊民惟工備給之也

十月朔至十一二月下浣八十餘日為費四百緡者  
民勸諭居三之一官獨指其二而城以完丙戌之夏雨  
具城復毀毀於甲申之未繕者數處而新結之處亦有  
二焉予慚而詰諸工工曰非石工之罪操擾者之責也  
城之厚裁及丈斬石甃其外而上實其中驗城之址凡  
石築者無毀而上之近女塙者多毀由巧墁之偷竅未  
能合中邊而一之也於是春谿漲盛召龍下伐石者出  
穀以收其亂石絛繹百餘艘委積於城下秋潦涸而復  
起工石之用抵陶人之輒數十金以連歲興作不復勞  
之民間或好義者乃樂助不以登數所捐橐百餘金夫  
役視昔鳩工罔日而以十二月初旬終事西園之塚水  
從小春欄來者過觀音巖經利濟橋疾沓城下尋丈之  
地嘗鞠衝箭激乙酉水發岸盡潰城幸未動予作水障  
三以殺水始為木礮竹籬効柳埽之製歲一更之薪以  
全岸今亦易以石不虞衝盪矣嗟乎坏城郭完堤防備  
水潦皆先王之政守土者所宜有事而修俾繕隍昔賢  
每以此彰治績焉以葺爾小邑區區拮据於尋丈之間  
又一勞之未艾而至於再舉尤無足稱道惟匠石所陳  
之言或足為山陬水郭備營繕之一法而節蓄民財諮  
詢一得因地隨時以自竭其心力則庶幾勉無敢告

勞焉至於土疏而易潰筵灘迅駭決鬻不常南楚瘴溼淫滂為害是在任事者思艱圖安以求無負乎保障而必謂此城之屹如金堤冀他年得免於胼胝又非予之所敢知也

與國縣城內街五南北曰直街東西曰橫街兩街交接處

曰十字街南門內曰官街古小南門口曰棋盤街巷五

東九曲南縣背里社西社園北鍾屋城外之街十五丁

字街錦川街老街在南門外大街在北門外東街在東

濠上西街在西濠上琉璃街在東門外觀門口在西隅

舊有治平墟學前街文昌街朝天坊街永福街瑤岡街

勸頭街背街荷塘里興隆街鳳凰街皆在北隅其巷十

則鐵爐巷花街巷蕭屋巷鍾屋巷羅家巷驢口巷朱家

巷廠上巷鋪下巷也井二大井葛洪丹井錦川井附郭

之村二十一餘隸於鄉鄉凡六鄉各統里里之名與都

相近非道里之里也清德鄉里九凡八十四村儒林鄉

里六凡七十村大足鄉里七凡五十村太平鄉里八凡

五十六村寶城鄉里六凡五十五村衣錦鄉里十二凡

一百有八村其在城則東西南北四隅各二里里各十

甲各鄉舊時墟市九大井墟治平墟錦川墟今廢米市墟

龍江墟江背墟北關墟今廢燕山墟今廢營前墟近有江口

城岡高興方太楓邊東村蓮塘梅窖凡八墟

貞肅激揚

分司左右

撫綏保障

縣治左右

經世華國騰蛟起鳳雲龍

風震人傑地靈儒學前崇正學儒學新賢路北門恩至

二里新安縣三程過化在縣興廉縣永豐興教二坊上

錦川西坊二坊下郭華國太平坊二縣南進士坊二一為王

王本道立一擢桂劉以登雲會若凌雲鍾欽錦鍾桂林

建亞魁二劉德蕭承恩鍾思郎官蕭大夫李迪貢賢方積諫

垣方廷欽獎胡者德百十八歲解元呂希經元蕭孝行

蕭可孝子二一為呂叔來叔熙叔世孝王仁政先朝元

輔鍾紹京貞節坊五蕭彥澄妻謝崇禮妻胡王實進

上二黃裳鍾登俊劉一宗伯學士王思貞節坊九于呂

劉謝義士鍾廣五世祠堂坊孝子坊貞節坊

會昌縣

會昌縣城宋紹興間縣令黃鉞始築圍二里五十步高一

丈五尺三面阻水南為濠廣十丈深六尺長一里五十

步明洪武二十二年守禦所千戶彭英增拓二百步通

計二里二百五十步上建樓四雉堞九百五十七警鋪

八舊門六元時塞小南小西二門存其四東雙清西麗

澤南鎮湘北臨清敵臺二座在鎮湘門左右副千戶牛

壽增高五尺通正千戶白天祥建二亭於上張正德七

年副使王秩檄知縣林信千戶牛壽暨陳偉督工重修

圍四百五十丈增高五尺又增警鋪十三嘉靖三十五

年水城圯知縣陳仕修萬曆四十二年知縣冒夢齡修

後圯

國朝順治七年知縣王洵修自為記康熙十年知縣王凝

命加葺舊志十三年粵寇告警知縣王凝命建東西二銃

閣以護城南門二十七年城東傾圯十餘丈二十九年

署縣事陳琅修四十年大水東北城圯知縣陳嵩倡修

縣志四十七年知縣董霍重修並四城門樓皆撤而新之

張志旋為水圯五十三年知縣黃鶴重修工固倍昔人呼

為黃公城乾隆七年知縣仲作楫毀東銃閣開小南門

額曰清華建二層樓於上副使朱陵題其額曰湘江第

一樓縣志道光二十二年大雨圯署知縣曹士桂倡捐勸

修並重建麗澤鎮湘臨清三門城新增

國朝王洵新建城樓記凡城之有門門之有樓所以司

啟閉定晨昏捍牧罔非獨觀臨

之美也會邑經戊子之變如突如濠溼如探丸懸舉者

者尚伏莽百里內外冀乘利為奸予奉命司土誼不

敢以繕完城邑後諸政事悉登高而望之民居離析炊

煙落落如晨星可數今即為通邑計安危豈能細其身

家之所急者而圖之乎既受事之三載年漸豐民漸定

四郊之烽火漸息乃僉謀合議積月累時作正南者為

南薰樓自南而西者為含清樓自西而東者為鎮虹樓

城池

三一

成如臂運指指無異心如督治家家無歧政民不忘令  
合其敢忘諸士大夫哉巍異其制壯麗其鞫司啟閉者  
於斯捍牧圉者於斯更為前樞律徊見夫清波委屬松  
石排江舳艫尾銜烟火麟次鷗鳧之所以出沒風日之  
所以吹暗固不為臨觀也仰以云臨觀亦豈有不備乎  
登斯樓者今昔之間亦可以慨然而嘆矣

羊角堡城在朗溪明嘉靖二十三年顧撫虞守愚委兵備

副使辭甲從千長周廷試議疏請建城令推官林天駿

守備謝勅度地計工城闢三門周圍三百丈高三丈有

奇把總李尚監造歐陽德記

明歐陽德新建羊角堡城記

江右列郡十三韻州邊東南當其上游外控漳汀潮

惠則厲之裔壤地參錯盤山數盜時出沒弱夫而安遠會昌間則羊角水為之咽喉盜踰羊角水以西則襲長

沙營掠零都信豐賴諸縣為擾以北則攻會昌西犯吉

禦千戶所與長沙營守備都指揮部兵相為聲援蓋古者遮要害遠斥堠之義而卒單弱盜來不能偵至不能禦則閉門自保堡傍居民千餘家數遭毒虐守備官棄長沙營領所部寓會昌城中而堡益孤懸矣嘉靖癸卯大中丞東厓虞公撫茲土既擒捕諸縣逋寇乃復修長沙營使守備官部兵還居之次將議羊角水堡會居民羣聚來訴願自出力築城為衛而官董其成公移書兵備副使辭君甲辭君按行還言堡以衛民而僻枕山隈與民居相去里許緩急非益譬以民委盜而為之資縹緲舍者也如城居民移戍卒城中民倚城為固藉卒為壯小警自可支猝有大警益增兵戍上之相便擣其巢窟下之奮武遏其奔突盜至無所掠欲深入又復顧恐吾議其後制勝之上也報公公可聞之撫按撫按稱善申勅所司並心一力敬須公畫乃使守備官謝勅賴推官林天駿度地計工未行而民摻畚鍤板幹伏矣已而其器至採山伐谷陶澗之濱木石篲甃自餘諸物不吝咸集公出米於廩出金於府役給之稍工給之備物給之直諸役競勸百堵皆作未踰時而城成周三千八高三十尺有奇闢門三面公館中居屹然巨鎮表裏齒



唇盜不敢窺郡縣吏士申民之情來屬文紀事始予惟  
 事弗豫無備弗因罔功豫者先乎幾因者順乎人語曰  
 虎攫而奔至人修門言無及也斯民蓋嘗傷於虎者智  
 人視未形况灼灼若是乎雖然弗專弗察弗斷弗果故  
 專者事之幹也國家置總憲行臺控江湖閩廣之交備  
 命憲臣提督四省軍務所轄八府二州官方民事無不  
 得聞者然而奉璽書行便宜曰兵機戎政張弛緩急四  
 省尚為安危其最要者也此八府二州各統於其省之  
 撫按官治之視其他郡縣嘗畧以為兵機戎政璽書有  
 專責焉使一聽於批督不可參也為提督者或以其智  
 之所及無巨細無所不問為撫按者亦以其位之所臨  
 無詳畧無所不問故智分於泛察權撓於參差惟東正  
 公畧細而務大提綱而振目日惟簡軍實蒐平伍申賞  
 罰相機宜摘發奸慝落其牙距雍厥由葉四履日靖軍  
 聲大振猶懼變生於所忽顧顧以求若將不暇乎其他  
 故能智無遺慮炳幾灼情動罔弗時撫按諸公亦惟忠  
 於謀國不私有己凡公所書或聞而弗議或議而弗違  
 若將拱手以仰其成故能乘時邁會不牽道舍之謀嗟  
 夫慮精於一荒於泛功隳於參數於需獨此城也乎哉  
 是役也費不甚鉅而所關至重保障係乎一方其道可  
 施之天下故予樂誦其成以為理國者率是道而由之  
 庶績可幾而疑非謂東厓之功為極乎此也

會昌縣城街六東大街南大街西大街北大街縣前街青

雲路巷之舊者仙遊巷希顏巷仁寧巷鐵爐巷新有村

花巷李家後巷井二五井昌聚井縣共五里舊城內東

北坊西南坊各轄一里城外南鄉及第一都第二都各

轄一里墟市則盤古隘墟周田墟筠門嶺墟羊角水墟

老螺田墟今廢下營新墟中村墟站塘墟烏鴉泊墟高排

墟曉龍口墟漁翁埠墟鍾新墟鼎新墟珠蘭鋪墟迴龍

墟小密墟黃冠墟白鵝墟上堡墟石水墟板坑墟孕龍

高蘭茶梓隘上半迳西岡二十八墟廢其一新開之墟

四均田石壩河墩水口其坊表則感化縣治南宋紹興

惠政縣治西宋淳熙縣令潘克和孝善縣治宋乾道縣

進士縣治左宋進士興賢尹天桂華唐博士縣治左激

揚貞肅二坊都察院行保釐縣治南明知虞南古邑麗

門外明知縣臺左右縣冒夢麟建

崔允升建今皆廢冬官文伯為知縣胡循良鍾

章鍾御賜進士賴士三省分疆九州重鎮二坊縣治左

黃鶴進士坊二蕭師諤武科李得梁旌義歐志雄賴

歲坊三歐可立鍾應華孝行二歐子復節孝賴拔妻又

有登雲俞良蜚聲南都李貞烈葉叢貞節葛翠烈女蔡

岐女承鄉節孝坊三劉明元妻池氏劉明百歲坊一

選

### 安遠縣

安遠縣舊無城池明洪武間知縣周泰指揮張可始築土

城禦廣寇經兩八圮成化二十一年知府李璉加木柵

以固之宏治四年兵備副使張璉知府周鳳檄知縣甘

文紹課民陶甃為城高一丈七尺有奇廣一丈三尺圍

四百餘丈為雉堞八百池深五尺廣一丈一尺周迴四

百一十丈建城門三口迎薰拱極賓陽通志門外建弔橋

張環以月城建樓曰鎮山警舖十二正德十三年雨圮

四十餘丈警舖十間都御史王守仁知府邢珣檄知縣

鄧守重修嘉靖四十年知縣石廩增高四尺四十四年  
兩東西二門圯知縣李多祚重修萬曆五年兵使向程  
增築崇禎元年城爲了漢賊所破八年鎮撫潘會紘捐  
金二千兩委同知謝時旦董修從西循東擴城四百八  
十弓增堞三百九十警鋪一百一十三改迎薰門曰向  
明增小南門曰太平小西門曰說安邑人凌于對記明  
末二小門塞

國朝康熙五年復開小南門十八年兩圯東西城八丈有

奇二十年知縣于作霖捐築張志雍正十年知縣王鴻雁

修四門城樓舊志乾隆五十八年大南門城樓燬嘉慶回

年知縣毛鯤修八年知縣周吉士修大西門城牆二十

四年復開小西門縣志城濬水者三洩水者七又別有

四小溝道光二年民捐疏濬全上

明凌于蒔安遠新拓城記頓郡之有安遠自梁建治千

宏治辛亥始也距今二百數十載廢興糾紛之故載在

邑志諸記可俛指數已崇禎戊辰春流寇嘯聚攻其不

備中外竄驚人民罹害視曩日三巢寇禍爲倍慘進謀

者謂守城先在拓城易曰容民畜衆孫子曰善守者敵

不知其所攻在茲土者目擊風景增其式廓寧豈無意

或以時詘而難舉或或以逡巡而重啟闢前貯後仍率  
以爲是固不可圖也亡具甚矣歲甲戌查盤李公嗣京  
張公振聲前後周視安城心怡往寇慨然曰城內居民  
寥落將若之何因在通學生員拓城狀上之督撫潘公  
守追徐公巡道林公郡守劉公乃交委本府二守謝公  
來攝邑篆度地闢城豈弟作射行激勸不毀民居不  
派民財公董厥爰而分督工役則與奉委代捕鄧經歷

一德一心共勦巨任不避祁寒暑雨稽勤情察堅假又  
 為之別曹鳩工若者徵審戶若者督匠帥若者供輸輓  
 若者給草木若者應水石與泥灰所謂萃五事之散合  
 五行之氣恪共懋勉乃崇爾址乃闢爾墉從西箭樓而  
 東箭樓寬四百八十弓雉堞三百九十口新立南門臨  
 水面山縈紆迴遶登斯城也巨哉觀乎邑得此而益壯  
 矣經始於乙亥冬十月明年霜降至遂告成事然且費  
 出諸公帑力取諸雇直士庶倡義者聽其樂輸自非鼓  
 舞躬親敏惠孚治宜不及此以廓地利以闢人文千載  
 一時矣城竣環橋師儒合邑父老欣謂形勝再造保障  
 功垂蜀封記其年月封竊惟舉大事動大衆德怨居半  
 以二百餘年之安城開闢於一旦殆天所以假手我公  
 即惟君子為政苟有利於民即髮膚無所愛而况關係  
 接壤預社窺伺豈細故哉昔范文正作郡當大歲凶尤  
 急繕城議者率以識大體歸之今邑春夏告荒荒且甚  
 非公之至誠惻怛區畫周詳何以城工浩大歷一寒暑  
 而克有終也費而若無所費勞而若無所勞德聲不作  
 怨勞不生德怨兩忘由於未始病民故也行將為聖天  
 子華金湯於萬禩寧兢兢報效院道重計已哉丙子秋  
 此編緝雲蒸霞變長治久安拓城功業數載不朽矣  
 公名時且華容人代捕鄧經歷名元且相城人是為記

安遠縣城內外坊凡六在城內曰街坊大佳有六東街西

街南街新街十字街老教場街井四學前濂泉井林泉

井城隍廟井濂江井城以外曰濂江坊餘四坊南修田

西永安西北古田東北上濂六坊之外分堡十四南水

鄉四堡曰龍安 有石口墟 符山 半堡當差 太平 有太平

和 三 龍泉 有龍岡鶴仔 北水鄉四堡曰新龍里仁 有車

同 二 龍頭 有龍頭版石 坊二墟 割補四堡曰長河 有仰

長沙 有伙不水頭王那及 固營 有固營桑園 五龍 有天

林亂石茶子仁 鷹門堡 新設半堡當差有清 重石堡 有

赤珠隘分固營而立 墟凡三十三散見各堡下

坊則名臣留跡 宋 邱鳳 登瀛 楊百歲 郭守 尚義 郭彥

貞節 郭一得 妻杜氏

龍南縣

龍南縣城宋隆興元年縣令段秀實始作土城高一丈圍

三百五十丈濠深五尺闊倍之長四百二十丈建四門

北門後塞 張志 明洪武十五年廣寇圮成化元年巡按陳

選檄知縣謝澤課民陶甃為城高一丈五尺廣一丈二

尺圍四百二十丈為雉堞七百五十有奇建城樓三座

舊設北門上亦建樓曰望江後廢宏治元年閩寇破城

知府李璉署縣郭榮華葺治建警鋪二十二間以居防

守者濬濠設三石閘以瀦水楊拱記 通志 二年知縣張文

增修警鋪三間正德七年山賊徐允富擾境通判徐珪

增高城垣五尺九年東門樓圮知縣李聰重建十三年

兩城圮二十餘丈署縣事推官危壽白都御史王守仁

知府邢珣給官帑重修嘉靖三年主簿蘇珪再修九年

兩圮過半十年都御史陶諧命同知伍佐堯完萬曆三

年知縣王繼孝重修自為記 通志 周四里有二百武加高

三尺崇禎九年都御史潘曾紘命署縣譚心學擴城垣

近千丈周六里餘高二丈有奇雉堞九百餘門六東拱

章  
卷八十三  
三  
翠東北朝陽南昭華正南向明西西成西北鎮安十三  
年知縣卓震增高四之一

國朝順治三年知縣呂應夏因昭華門外寇警濬濠深四  
尺廣四之循城橫過一百數十丈直達西河五年流賊  
破城六門俱燬七年知縣賈程誼修葺十三年朝陽門  
樓火十六年知縣高光國重建十八年又建設龍臺於

北城張志城內外水皆匯流於朝陽門左右闌洩於溼江

舊志康熙三十三年大水城圯過半知縣鄭世逢復修張志

五十九年大水又圯知縣徐上復修易護龍臺曰鎮龍

舊志嘉慶十四年朝陽門樓火二十一年邑人捐金修復

二十二年邑人捐修昭華門樓二十五年邑人捐修鎮

安門樓

護南縣城街六東門街西門街南門街縣前街學前街十

字街巷有四新街巷水涵口巷舊學背巷石結園巷城

內外之井七譙樓下井東山寺井南街井西街井城隍

廟井北樓背井縣舊分龍安北水龍源大龍太平六律

六鄉合併遞增爲九畝曰坊內上蒙安寧新興太平晉

洪升元龍興蒙恩城鄉爲堡者八北爲坊內堡東里仁

東南土蒙南太平西象塘又西大龍西南新興西北洒

源其墟共十有六城東門墟在坊內堡里仁新墟關西

墟在里仁臨江南坑黃土陂三墟在上蒙楊村太平謝江三墟在太平程龍象塘二墟在象塘觀音閣大龍峽頭三墟在大龍新興陳坑二墟在新興

坊進士

曾汝

鴻臚廖貞節二

徐睿妻劉氏

貞女

唐旭英聘李氏

長寧縣

長寧縣城明萬曆三年知府葉夢熊奉額撫江一麟題准

建縣馬蹄岡檄知縣陳行可度地知縣沈文淵築城周

圍四百六十二丈九尺五寸高一丈八尺雉堞九百有

奇警鋪六門四東春旭南絃歌北阜成小東陽和覆以

致樓西無門建樓曰鎮山後圯

縣志

置大砲六崇禎九

年奉檄雉堞減為四百有奇加高一尺

縣志

後粵寇圍城

國朝順治四年知縣錢奇嗣加築

通志

康熙九年兩西城圯

二十餘丈知縣井厥重修

舊志

後知縣朱騰蛟汪士琇相

繼補修六十一年知縣蔡賓興重建南門樓自為記乾

隆初年知縣程士錦鄭大敬沈濤先後增修五十八年

知縣宛建侯重修阜成門城樓

縣志

道光十五年北城

城隍廟火廟後城垣舊有開門議因遷廟於此而止至

是知縣王恩需從邑人請移廟稍左購民宅地三丈餘

開小北門名曰新阜成上建門樓二層上為魁星樓下

為趙公樓十七年西南隅圯三十餘丈知縣朱肅倡修

城垣重建鎮山樓於西城自為記其新阜成門朱復更

名曰啟秀新

黃鄉司城初隸安遠今在縣西南八十里明嘉靖二十三

年賴撫虞守愚副使薛甲議建周圍一百二十五丈高

一丈五尺雉堞二百有零門曰鎮定覆以敵樓歐陽鐸

記乾隆六年巡檢張艷重修舊二十八年巡檢缺裁城

尋廢今惟門樓尚存縣志

明歐陽鐸黃鄉堡築城記贛江省邊郡也其屬皆巖邑

遠編戶十里為堡者二十七而黃鄉尤深阻大嶺山跨

連三省去縣治遠旁邑又懸不相及賊穴其中贛西南

二路蘭石布渠管即無道可問異時掉臂往來莫有問

者正德初四出京縣編戶為堡

死有眾七千其兄春領之久益縱居民不能完其妻孥

壬寅之變戕官殺軍而遁東崖虞公守愚適奉簡命至

有以攻瑕之策獻者公笑而不言密與兵備副使薛君

甲籌機畧竟不煩重兵縛春父子疎於市以葉金撫定

其眾首賊會祖華者與金爭長金黨殺華因而解散者

三百人父老咸喜更生而不能無懼公大臣當歸天子

左右辭大夫行敘遷去如後何其智者則曰鑒事當於

其近救患必於其所致往者多故非由官兵不相及然

耶今請於黃鄉中處設立巡司督兵以譏增隄備官提

築城堡濠塹其外內為公館營房以待官兵居守又請

自縣達各保皆立小學聘師為子弟式庶幾意與法存

以徼惠於無窮相率懇於督府下兵備兵備下縣勸議

物土田舍皆為稱費欲乞諸鹽稅之餘工役則百姓願

盡力瑞金知縣趙勳覆之加詳焉薛大夫受而欣然曰

難得者時易失者機賊平而民情若此機矣督府公明

仁愛豈於爾民惜費耶茲有大利者三強梗彈壓則有

所不敢為惠湖之寇顧後則不敢深入土兵有室家則

心繫緩急為吾所用之或曰小學之立文乎哉曰化俗

城池

四十



所以弭盜其勢緩其功遠矣東崖公受而斟酌焉具本  
 未驛聞得添設巡司乃檄有司出稅餘斬艾蓬蒿建立  
 城堡凡若干丈中為公館右為巡司小學附隸之左營  
 房附司之右雉牒雄圖層巒失險旗幟明鮮鷹隼來翔  
 最爾黃鄉遂與太縣等嗟乎地利之不可已也孫子五  
 事三曰地其言形變詳矣然必知變而後得形得形而  
 後利可居也黃鄉於法為隘為圯為爭為交中更豪傑  
 多矣而莫有議及者事固有待即闢之治兵如治疾嘗  
 之以平劑雖不奏功亦不致斥後而病日深不可治此  
 則養之之過也金石草木鳥獸毒烈之味峻投之病亦  
 峻已然而死亡繼之此則決之之過也不求近效不幸  
 後功除疾務盡衛生務周表裏司命不必其身之常留  
 非妙達脈理而誠有愛人之心者不能於乎黃鄉之城  
 文武之事具焉方將除疾衛生尤大且悉室家笑語與  
 伊吾聲蟬連相聞豈惟今日將百世實賴豈惟南顧諸  
 邑准是臨吉惠潮汀漳延袤千里可無突門毀垣之虞  
 矣於乎豈非仁人之功哉

新司土城在雙橋堡丹竹樓係亭坪縣東南一百二十  
 里順治五年巡檢徐良弼奉檄建今廢

縣志

大寧縣城街則縣前中大街東門街南門街老南門街西  
 街北門街城隍廟前街天妃廟前街十字街新街倉前  
 街凡十一巷三學巷分司巷搖鈴巷井十一讓井曉鐘  
 井分司井城西井城南井新井銅鼓井劉家井沸泉井  
 源泉井迴龍井縣設興仁興讓二都東西南北四廂堡  
 十二丁糧統之兩都煙戶屬之廂堡東廂舊石痕堡領  
 村七南廂舊勞田堡領村十二西廂舊勞田堡領村十  
 北廂舊石谿堡領村六水源堡領村八三標堡領村十  
 一桂嶺堡領村五郭鄔堡領村七滋溪堡領村九腰古

堡領村九大墩堡領村七項山堡領村十二八付堡領村十七南橋堡領村二十三黃鄉堡領村一十六雙橋

堡領村三十三凡村二百有三共墟二十有二上坪墟

西青平茜坑龍岡三墟水原和平墟三標城岡墟鄧鄧

三和合和二墟滋溪吉潭墟腰右珠村古坑岡二墟八

牛斗岡塍頭岡富田河角四墟南橋公平菖蒲塘二

墟黃鄉留車腴田楓山大同方塘五墟雙橋舊又有大

墩長岡黃沙滑塘四墟今俱廢

坊則縣治坊中曰雙江重輔左係赤右撫字今圮進士邱

武進士陳開孝子坊二謝錫易節孝木坊二潘天

王氏美妻謝氏今圮節孝石坊六謝光鄭氏廖鼎鐘妻王氏徐五

岑妻馮氏曹愈登妻謝氏趙升聽妻劉氏子能揚妻廖氏如娘合坊

### 定南縣今為廳

定南縣城明隆慶三年知府黃辰奉都御史張紳檄親詣

高砂蓮塘相度形勢開基築城周圍二里有奇凡四百

四十丈崇一丈有三凡廣七尺為雉堞七百八十警鋪

十有六城門三東迎陽西平成南豐阜各覆以樓北向

難於設門惟立一臺亦覆以樓曰北樓南城舊有民塘

濬而深之以為池張萬曆五年顧撫江一麟委知府戴

記議寬城垣一百二十丈加高三尺廣如之增雉堞五

十有四警鋪一萬歷九年水圯知縣劉世懋重修復以舊城腳地易田擴城計闊六尺長一百二十丈鑿池於其下崇禎十五年知縣鄭賢楨增加城堞後燬

國朝順治十四年知縣祝天壽造西北二樓警鋪二十間

康熙十五年坊賊破城焚燬二十年知縣林詵孕捐建

東西南樓三座三十六年復圯知縣吳邇立捐修舊志

慶初同知畢廷斌勸捐修葺廳志

下歷城在廳北三十里明嘉靖四十五年顧撫吳百朋平

下歷築城建館移置捕盜通判主簿各一員統兵五百

駐劄防守另於高砂蓮塘築土垣移駐下歷巡檢司協

守隆慶三年顧撫張紳復築蓮塘城設定南縣巡檢司

仍還下歷

國朝順治九年橫岡營守備王昌祚寓此招兵修雉堞康

熙二十年知縣林詵孕委巡檢柴鳳屏重修雉堞縣志

定南廳城街九衙前街十字街橫街東街西街衙背街上

黃街下黃街分司街巷五館背巷東城巷西城巷廖家

巷吳家巷井五聚奎井文昌井東井西井丹桂井縣分

四里高興里下歷里江南里伯石里無坊圖而鄉人猶

以保稱高砂係卽高興里下歷係卽下歷里橫江係卽

江南里而伯石里則合大小石伯洪潭慶係成之云其

廬則城內廬悅來廬復興廬下歷廬龍塘廬白駒廬天  
花寺廬礫頭廬胡江廬鵝公廬月子岡廬深塘廬東山  
廬上里廬三亨廬長富廬八十岡廬興隆廬南豐廬新  
廬凡二十

貞烈坊

謝碧妻

進士坊

鍾一誠

贛州府志卷之四

輿地志

南贛起番南山上雲嶺轉黔中由桂嶺庾嶺至建嶺  
折而北度廣信贛州在庾嶺東建嶺西乃出庾嶺後  
之過峽也環贛皆山貢水潏繞其中章水止西出與  
貢會於郡城之北夫複嶂抱流出雲降雨而人文物  
產興焉豈徒壯游觀已耶

山

贛縣

文壁山

謝志作壁通志張志  
作壁明一統志作筆

一名賀蘭山俗呼田螺嶺在

城西北隅冠冕一郡之形勢而襟帶千里之江山有鬱

孤臺臺下為陽明書院望闕臺建其西偏山之左綿亘

為白家嶺通志詔為百俗仍之為縣岡坡又東為龜岡昔建鳳凰

臺臺畔為景鳳山有真武殿其西北直趨舊府治尾蟠

二水合流處章貢臺舊址存焉參謝志張志

筆峰山在城東南隅濂溪書院後遠對儲山諸峰東接東

勝山與夜光山謝志一名寶林堂所謂城內三山也稍南而對

獅古桂家二嶺錯峙東隅遙對西北之金圭嶺北之田

螺百家二嶺為城內之五嶺張志

國朝楊炯筆峰山詩閉步招提作勝遊筆峯高處一凝眸亭亭孤塔雲中出脈脈香泉下

外流山雨欲來風黯淡夏禽將變響喧啾人間饒有清涼地珍重光陰仔細酬宋肇東勝山詩

畱滯雙江上招尋一壑問老僧何處去此地任躋攀錢

尼雨佛桑蒂窺人山鷓閒風流錢湖在吟罷月中還錢

柏齡和宋權使東勝山詩望去招提境悠然林壑間使君憂幽賞羣從樂追攀苔色

入秋淨禽聲薄暮開小山有明月畱醉不知還

天竺山在貢水東距城四里舊有修吉寺唐元和初僧韜

光自錢塘天竺來駐錫於此故名山之後為火燄山舊

傳為一夕雷雨開通故曰雷岡元時有亭明時植松於

上改名萬松亭又曰水雲深處蓋與城內建天一閣取

制火之義同距府城二里有社岡一名鼓嶺舊傳社日

里人於岡上祀神會飲通志越火燄山垵二里許為馬祖

巖馬祖始棲此山一夕鬼為築垣師曰學道不至乃為

邪鬼所測因棄去居龔公山巖巔為佛日峰有塵外雲

端駒巖一憩吸江五亭皆廢後復構座外亭其山勢遙

接處為伏龍山林木陰翳頗稱勝境距城北二十里俯

臨清潭崑然南顧作雙江砥柱者為儲山山麓有儲君

廟去儲潭五里許為仙女石上有仙女祠蠶者祠焉下

有仙女潭通志又東北十餘里石壁峭拔高數丈深倍之

遠望類獅者為獅子巖內有元代所建佛殿三間參通志謝

志張宋廖剛天竺山詩好山積翠擁金蓮花屋籠雲傍石泉

李朴遊天竺山詩天竺崎嶇絕海邊何人分作嶺江

一醉風光能幾許十年塵跡尚依然龍廖剛馬祖巖詩龍

欲題豹隱還相笑盼斷長空簇暝煙去

龍歸已絕座空餘巖石隱雲根當時一夕猶嫌久豈謂

虛名萬古存去來蹤跡等遊塵誰向遠廬覓道根巖

穴故應無別異鐫李朴馬祖巖詩華初泛曉煙青塵埃

題空有姓名存不到門常靜身文天祥馬祖巖詩會將飛錫破苔痕

世相忘性自靈人家山下路石明呂楨馬祖巖詩象山攢雲石為屋

頭心事付無言廊魚敲歇僧入定耳根色界俱成空東流吹花落紅滿

醉裊吟鞭歸緩緩杜鵑聲裏又斜陽老盡遊人春不管

國朝朱從延馬祖巖詩馬祖巖巖何高嵯峨勢插千雲

成危均籃輿難行厯險峻僂步陟身疲勞趨趨動喘

欲休憩絕無竹木涼陰交微雲幸得薇炎日拂衣時覺

天風飄風迺空到講舍棟摧磨敗悲蕭蕭緬懷六祖

此參乘蒲團趺坐安昏朝宗風遺教悟無相禪心盡洗

章江濤章江之水走千里合流怒瀑奔山腰四圍遠列  
盡青嶂崖西缺處城非遙參差如鱗排瓦屋鬱蔥林隙  
炊煙消孤亭岫嶠立雲際凌空疑有浮邱招暹天獅子  
皆入望隨首俯仰無董榕馬祖巖詩 雲表一憩風冷  
煩翹馬祖巖巖何高 董榕馬祖巖詩 千疊萬疊羣山青  
貢江之水來東汀周遭玉帶環金庭是日秋半飄三莫  
紫氣鬖鬖斜陽凝空遊四子俱豪英初至山脚還踰  
或慮昏黑迷山形余爲一鼓爭先登那識上界如斯清  
佛頭螺髻交呼噪馬祖遺跡留巖扁徧巖題字蒼苔盈  
誰歟書者垂光精濂溪清獻調琴聲至今想像松風鳴  
玉局揮書謝塵纓戲留轉語詢山靈子韶豁然萬古情  
文山四絕尤有旬勤王攬勝資經營遐想忠武同文成  
有傳不傳煙蕪平七賢把臂堪合并安得就址修堂樞  
鎮此俎豆千秋馨頑廉懦立興羣氓異峯一煥開蓬瀛  
奈何棄置荒郊炯付與山鬼棲冥冥五亭無復存一亭  
區區有類愚公誠叩須將伯相恢宏未卜此語何人聽  
喟嘆聊和蛩啾嘖蒼然暮色山嵐橫瞥見山下樓繁星  
珠輝萬點光熒熒彎環拱照連斗閣母乃星宿海中乘  
虛槎將與銀河迎四子拍手齊相驚奇賞不負探吟  
諦視乃是江船燈千櫓相照流復停少焉月自東山升

瑤宮玉宇不可名恍然十二樓五城星高燈下方分呈  
須臾月上天中行星稀燈淡尊婦姪余謂此景非尋恒  
七賢心印薪傳經奎躔象緯聯晶瑩夜寒露冷理歸藤  
行歌相答心旌旌五里下山攜月明歸來奉質諸友生  
勿疑禪悅煩談評 明呂楨獅子巖詩 古洞何幽闕新  
是耶非耶爲余正 詩足品題晨光

飛野鳥春甕舞醴雞露洗花增艷風 國朝吳之章歸  
柔鳥善啼雲房會話久歸路日平西

白靈山道過獅子巖詩 歸途猶自憶靈山忽聽鐘聲樹  
杪間亂撲巖陰從上下緩尋磴

道復躋攀山腰靄斷禽將宿洞口雲深覆 林棟獅子巖  
正還到此不須愁日暮何妨燒竹出松關 詩 分明別自有員嶠到處尋幽歸興饒出屋鐘初沈下  
詩 界梯雲人欲上層霄倒懸夕照峯深淺暗鎖秋陰寺

寂寥同是遠公畱客 林植獅子巖詩 長林薄暮歸途遠  
地東西林隔一溪遙 又復攀躋看翠屏

一線微分巖上路半天斜出石邊亭人隨鳥度鐘初動  
僧待雲歸戶未扃回首靈山何處是孤峯煙靄欲無青

董榕獅子巖詩 塵氛疎蠟屐秋爽拂蟬衫閒過桃源洞  
來登獅子巖曲墜環水竹復映聳雲杉

路轉逢開朗，險居貼峭巖。土風忘漢魏，景象介仙凡。閣  
突賓凭檻，山空佛滿嵌。院榴紅的的，窗岫碧巉巖。晃亮  
浮江帶，微茫辨客帆。蜂歸朝短壑，犢靜伴長鑱。過踏頭  
兼尾，誰操轡與銜。拍肩談福地，把袖檢香函。杖策尋幽  
返，霞情不可緘。

文潭嶺即汝山在城東三十里一名昇仙峯

寰宇記

相傳唐

大歷中女道士邱真昇仙於此

明一統志

巨石盤亘受十邑

之水滙而為潭廣數十丈深不可測舊傳漁父於潭中

得大小銅龍五今存其四在觀中其東南沙阜特起洪

濤不沒號曰浮洲世傳有仙女笙仙娘墓或隱或見時

著靈異嶺之西有響石壁立十餘丈過者輒長嘯高呼

相應答溪流其前恍如絲竹之聲又西北為馬脊岡山

脊類馬首鬣鬣俱肖又西北二十里為回軍嶺里人方

氏率眾却黃巢兵故名

參張志

又距城東六十里為雞心

石又東十里為螺亭石有拾螺女為螺噉死葬亭傍塚

化為石螺殼無數東坡詩碧溪青嶂繞螺亭指此也

湖志

崆峒山在城南六十里古名仁空山自南康數十里蜿蜒

而來章貢二水夾以北馳為一郡望山其最高者為寶

蓋峰面峰有寺明季翔榜曰空山精舍前為寶鏡池後

枕玉屏嶂其巔有石類蓋孟越山埭數里聳屹若覆繭

者為席帽山俗呼酒罈山山降數武為金標峰下有黃

仙石相傳昔有仙人乘白鹿駐石上左近有黃仙寺

明一



統志東行十餘里爲了髻峰峰麓爲仰屏山寺又東北狀

如雙鳳飛來者爲鳳凰山山之東巨石巉巖爲羊石嶺

上有飛仙遊蹟遊者時得石筍精瑩若玉臨信豐江口

赤石突起爲馬頭石又距崆峒東南二十里爲噴龍石

兩崖劍立飛淙注下爲龍湫下有扁艘底人動之風雨

立至十道記南晉咸康五年太守庾恪於西山麓中建

廟宋有廣潤侯祠碑記距城南四十里度牛輓嶺爲相

見嶺及望州嶺逾十里爲四會峰東距龍江與崆峒對

高百仞其上方平可容數百人傍有小徑可躋井源不

涸宋元人嘗避兵於此又南高百餘丈突立於平田中

者爲文秀峰又南三十里爲麻嶺有石磴可登頂而亦

方平渡江而南爲大龍山中有龍井土人往往禱雨又

南界信豐爲武山嶺有石文如仙掌又東南爲牛嶺嶺

後爲青隱山山麓有巖豁訝幽邃蒼翠詭變曰花石巖

參張志又距城東南八十里爲羅龍嶺路通信豐行者憩

焉又東南爲雙龍嶺謝志

國朝黃世成遊崆峒山記畧嶺城南望鬱然蒼秀者爲崆峒山一峯高矗而峭拔

者爲寶蓋峰與寶蓋相聯絡者爲玉屏爲席帽爲金標

爲了髻爲仰屏諸山總名之曰崆峒山麓村落十數田

道蠶叢間夏四月八日借袁世紱李爲琅肩輿經谿谷  
中十餘里崇山蔽天水聲淙淙不絕飛瀑奔流灑石上  
石級數里類新鑿抵小山莊則石氏居也主人延客宿

真日行十里乃上絕頂寺面寶蓋慈翠入戶砌下寶鏡池清瑩可愛有五色金鮒縣令張照乘榜其門曰崆峒寶蓮寺寺後玉屏二峯迴合右為席帽金標山均可過城中二水分流如帶寺明崇禎間始營古崆峒寺基去此幾二十里矣

宋李朴崆峒山詩

雲根秀出碧芙蓉煙晃霞飛瑞靄中地脈九枝龍奮蟄天河一派練橫空

明陳謨崆峒雲居為曾巽卿賦詩

雲居崆峒下野鶴雞羣中墮甌前境忘棄

瓢煩慮空蒼狗任時態白衣謝塵容卷幔度冉冉開鏡

浮溶溶陰榻清媚夏晴屏粲娛冬畝耕足歲年林臥窺

鴻濛少日忽復遠聚沙想羣童杖策笑安期出門交崩

通晚晤要為遠朝華那可崇嘗根史家流老韓將無同

如何曹相國王原章貢舟中望崆峒諸山詩 城南九芙蓉青翠落

堂上畱蓋公 雲際二水夾而走如骨締絡系穿勝湖章流南程及東

霧山光照清襟俯借隨轉振邱壑面面殊騫騰變體勢

虔州一都會山水富奇麗石城冠樓櫓臺觀猶古制羣

峯若共舞一時脫塵繫宋時陳炳 國朝吳懋謙望崆峒

嘗隱崆峒山有白雲編二十卷 山詩 岩巖望不極疊嶂迴連天平楚敗殘照孤墟淡夕

然楊玠遊崆峒雜詩 為愛崆峒秀孤標絕一方凌風來

流象壑香前生應有約肯負好風光 綠樹小橋邊僧

房儼洞天窻前多翠竹戶外有清泉去路遙難記飛雲

暮欲還空山空我相小坐話參禪

玉房山本名赤石山在車邨距城二十餘里大石連聳燦

若雲霞山角多赤石有玉房瓊室狀相傳宋元嘉中有

安道士棲此數十年唐天寶六載勅改今名明謝詔讀

書於此 參謝志 張志 國朝吳家麒玉房山詩 度西皆嶺山山色類醅醉茲嶺

徑瑩潔玉房闕謝公築草堂丹鉛自勤瘁彷彿玉山瑛  
名也兩無媿志乘成一書郡事畧云備龍文法獨扛鱗  
次無素位嗣音誰珥筆百年付茫昧搜採有宗工周鼎  
起沈泗跋望此山中飄飄張赤幟

通天巖在城西二十里空洞如屋有穴透其巔怪石環列

如屏障宋秘監陽行先隱此州守林顏號為玉巖翁爾

元剛建玉巖亭行先祠在焉其半壁口忘歸巖王陽明

遊而賦詩焉穿心龍虎翠微諸巘皆附其處巖傍石級

百八十餘盤旋而上石峯蹲踞上有古廟康熙間總鎮

許盛新之祀真武名其山曰太和有記東一巖中穿一

徑名品巖其西南諸峯根蟠數十里屹立高聳者為九

峯山對崆峒向縣治東至於江巨石巍然其巔有仙女

祠又西北十餘里上矗三峰下隱龍湫與崆峒對峙為

郡治後屏者為蛤湖山又曰三陽山又有白石嶺皆西

接杏林山此皆山之自西而北者其距城西四里雙阜

特起曰西隱山俗呼佛嶺昔有亭介其間曰御風曰大

觀久廢

參謝志張志實志

國朝劉謙遊通天巖記畧

贛郡有通天巖宋秘書陽孝本隱居處己丑九月廿日李

君涵齋宋生韻泉訂遊焉蚤起絕章水而西雲山出沒

野翠迎遙山徑險澁與馬不能進行頗登頓巖半四面

就石壁刻佛像寺懸崖上覆茆宇承其下吐茹半之僧

引謁陽公像并視蘇公手書像贊左折龍虎巖上鐫古  
人題句北向山脊蜿蜒突起石梯百八十餘級元武殿  
踞其巔憑欄遠眺章貢如帶羣山若瓜瓠蔓引煙氣迴  
薄隱下山穿石洞石壁有陽明題句署忘歸字巖廣半  
畝時行人經過者若了不識此巖之異謂李君口人情

乍見則矜之久則習而忘之彼迨習之者耶因相視笑曰賴名山不少而此巖特稱非以陽公乎予老無能為諸君其當思所自勝庶不負今日之遊

歸途已薄暮迴望所歷蒼茫失所在矣

廖寅遊通天巖

詩序 余巡南嶺之明年嘉慶乙丑春正月二十七日公暇偕姜君少川邵君寶篆甘君煦堂袁生駢之肩

輿出郭渡章水而西問所謂通天者而遊焉是日也春初日霽山翠若屏由村落阡陌間逶迤盤折而上至則

野翠翳翳林谷深邃花香鳥語髣髴別有員嶠乃皆下輿披蒙茸陟登道謁陽玉巖之像讀蘇公之贊望壁刻

堯羅諸佛迴尋顏百尺間由龍虎巖折而西出洞天至志歸巖誦王陽明先生題咏及諸前人石刻流連久之

已乃拾級而上至翠微巖絕頂覆元武殿憑欄遠眺稍憩而休焉余謂諸君此地去天尺五今日之遊可謂造

極登峯矣然非得一日間即不能至即不盡一日之力亦不能至今幸而得至至而獲憩於斯矣可漫然已乎

余觀石勒古文人遊歷皆各有題咏以記而就中陽明先生作尤膾炙人口諸君盡次韻焉皆相顧若遜謝余

復曰以陽明先生之功業文章人皆知其不可及矣而

所及以無異於前人當亦陽明先生之所許也諸君又何遜乎迺相視而笑因攜手下齋僧作方薄暮連袂而

返一路誦陽明詩至明月來何早向竊悵悵嘆歸途之速然回憶所遊又覺洞中之日不也此及江干日暮雲

歸漁火隱見視諸所遊歷則隱隱青螺在碧雲縹緲間矣既歸篝燈為詩而諸君亦先後和陽明先生韻以囑

於余比次之訂遊者余也日勉為之記並附各和韻詩

於邱成和遊忘歸巖記 余寧都西郊峻石如雲金精之後寓居其中與予為忘年交印浦數客越中交錢塘黃北

原禹錫既而余在贛印浦北原亦先後至余因印浦交北原於是余三人者有志歸巖之遊西踰章水二十里

山益幽石益峻徑益險乘肩輿者下騎者步聞泉聲潺潺石間益急遂自通天巖陟其巔懸元帝閣緣峭壁下

穿石竇出至忘歸巖巖壁有王文成公詩余三人亦各為詩次文成韻而去甚至忘歸巖則境愈奇矣層巒之

盤錯丹翠之交集停雲之峯俯幽之壑態狀各殊十步九變有似余金精間也夫金精余與印浦固朝登而夕

降之矣獨北原以不至為恨以余所聞吳山一峯左江

而右湖北原印浦回朝登而夕降之矣獨余又以不至  
 為恨且文成亦越士也彼其於少伯之所泛子陵之所  
 伏安石靈運之所追攀而流連者宜目而熟之足而倦  
 之矣今讀其詩何亦甚愛忘歸巖豈山川固互相為勝  
 歟抑其人必兼取之而後快歟然而北原之言曰友身  
 之分也則余與印浦日為北原坐金精而印浦北原亦  
 日為余立吳山也尚復何恨是遊也有印浦故人子鮑  
 承祇昱以為主人而北原兄津園中錫不與遊俱有詩  
 宋伍餘幹通天巖詩山靈不為紅塵埽仙寶玲瓏自天  
 巧或開或合誰主張元氣淋漓出

蓬島壓服坡陀萬象高平鋪練帶三江繞水西接軫到  
 斜陽勒馬回頭問遲早不見真仙只偽仙猶嫌禿髮頭  
 顛老三生豈必石點頭三晉何如石言好行先之後更  
 幾人龍奔虎噬爭雲擾吳人但見楚山高豈知砥柱干  
 金寶山崩雨似不知年各得併幪各相保出門小吏驚  
 且呼虔州刺史心生惱急著歸鞭信馬蹄春風猶帶蘭  
 香早燒燈更上鬱孤每逢勝境便留神  
 一路桃花別漢秦

臺吳楚東南春未了歐演通天巖詩  
 遙利苔封高士蹟臨溪客問野人津紆回松竹看非俗  
 離列山川識有真踏遍巖頭天尺五飄飄已覺迴風塵

胡桀通天巖詩

萬龕石佛坐觀空安用懸崖駕梵宮  
縱使風雷空巖竇此心原自與天通

明王守仁通天巖詩

青山隨地佳豈必故園好但得此  
身閒塵寰亦蓬島西林日初暮明

月來何早醉臥石  
林涼洞雲秋未埽

又通天巖示鄒陳二子詩

鄒陳二子  
皆好遊一

往通天十日留侯吏來歸久不至我亦乘興來尋幽巖  
扉日出雲氣浮二子睇髮登巖頭谷轉始聞人語響蒼

壁杳杳長林秋塔然坐我亦忘去人生得休  
且復休採芝共約陽明麓白首無慙黃綺儔

次陳惟濬韻

四山落木正秋聲獨上高峯望眼明樹色  
遙連閩嶠碧江流不盡楚天清雲中想見

雙龍轉風外時傳一笛橫莫遣  
新愁添白髮且呼明月醉深觥

又通天巖次鄒謙之韻  
天風吹我上丹梯始信青霄亦可躋俯視氛寰成獨慨

卻憐人世尚多迷東南真境埋名久闕楚諸峯人望低  
莫道僧家全脫俗鄒守益通天巖詩

高築琳宮引石梯  
酒餘客散自攀躋  
三更日出亦聞雞  
坐來漸恐星河冷話久不知煙霧迷  
翠微巖湧案高低浩歌初飽清秋興何處東洲野店雞

董天錫通天巖詩

出谷尋幽入洞天短簔衝雨憶春前鳥飛盡處煙低樹牛力新時水滿田

畫筆淺描青嶂色詩壇高詠白雲篇西湖雁蕩尤奇絕

何日同遊續舊緣勝日郊行數看天雷聲忽送雨聲

前滑添絕磴難驅馬步惜春苗不近田興盡剡溪思往

事醉題江閣有新篇多君夙抱巖廊具老我聊隨山水

緣唐邦佐通天巖詩怪石空懸山勢欹洞門低度日光

賦詩道路盡從樵者得壺觴敢後大夫期不因魯弁妨

山水我輩風流良在茲結伴山中暫避喧每從佳處

便停軒只疑蘿薜峭無路豈謂雲根小有門到此頓令

忘歲月看來別是一乾坤松聲鳥語關詩思獨對巖頭

雨不丁繼嗣通天巖詩半壁雲深火閉關捫蘿直上欲

言螺疊萬山花落有時僧不埽烏啼向處客鄒天溥通天

思還場來半晌蒲團坐了悟元機等是閒鄒天溥通天

巖詩夏木亂芳菲乘風入翠微渾依巖作室斗借石為

屏幃影連雲動鐘聲帶雨飛高僧問對語承日淡

忘國朝宋肇通天巖詩凌晨越章波杖策遵江微野

林蕩紆遂歷岡陵响千巖如踣鴉突兀藏靈奧既至儼

堂陞通天惟一寂雕鏤信鬼工曲折存遺廟山根洞穴

穿偃僕僧徒導豁然世界殊飛空巨石倒崎嶇難具陳

盤礴發狂叫伊予厭羣庶探奇慰所好細彼玉巖翁彷彿

佛聞清嘯諸賢相繼來忘歸領其妙觸目多遐眺着言

記同調夕陽遠鳥鳴移情此雲嶠磨墨榻題名千年碧

峇錢柏齡通天巖詩高寒晴空恣雄眺越坡停雲岡石

勢愈巉峭仙源湛水木萬古藏僻奧鬼斧亦何工玲瓏

鑿一窾碩人此盤礴千秋儼遺廟仰瞻媿後塵冥搜記

前等更窮邃洞河忽訝懸崖倒羣山青濛濛惟聞猿狖

叫既異少文遊良慰康樂好想見開闢初矯首發長嘯

憑弔多古情慙覽收衆妙諱惜下里歌上擬白雲調

待緝薜荔裳來臥芙蓉嶠為問巖棲僧荒蘿幾人埽

綉丁雁水招遊通天巖分賦詩登陟來隨叔子同芙蓉

原無雨洞裏披襟不待風一刻陰晴山向背百盤

高下徑西東此時真有志歸興心值蓬飄在客中張尚

援通天巖詩青冥呼吸此中攀萬丈丹梯指顧間只恐

明河解逆客罡風六劫又塵寰一寶玲

墟似鑿坏玉巖遺像浸莓苔高情合與名山古不藉陳  
巖武帝臺 見說移龕紹定年幾緡風月買山錢嶺嶺

雨祐寒巖骨可 尹嘉賓遊通天巖詩 萬年修竹帶烟霏  
得癯於詭吏肩 一徑盤迴入翠微

石屋橫經山鬼讀 蕭師諤通天巖詩 秋霽露臍臍臍臍  
黃昏風雨縹花飛 盤徑複迴洞壑秘寺奧神哉五丁力

鑿破混沌竅一穴窈而深懸結梵王廟側石巨玲瓏買  
穿危欲倒巉峻落天風拊掌發狂叫寒夜靜追尋恍聞

孫登嘯霜月照孤吟悄然觀竅妙緬古企前賢把酒命  
同調偃臥自雲根詐殊在壺 徐垣通天巖詩 閑說茲巖

嶠松落不知年自有清風掃 碧天誰憑巨靈擘鑿破玉峯巖雲鎖凌虛 楊陸榮通天  
巖詩 玉巖陽先生結茅隱空谷一徑裹長松千巖響飛

羣木寒蘿出小構因石便成屋天光漏一線耿耿射隙  
燭又如哉生明銀鉤熒微曲登堂揖遺像瘦削露清肅

幽絕山之阿徑窄屢迴復崇崖忽嵌空磊落亂石覆雲  
得未育言 陳士恭九日遊通天巖詩 積陰釀重九具

孤虛火畜 西乘輿訪蓂谷水田忽開曠溪泉轉洞湫峭峯若鸞翥  
平岡或龍伏冷翠溼人衣寒烟河澗竹初陽漸以晃萬

影媚林麓峯高雲磴連路紉松嶺複石佛寂無語空洞  
覆若星緬想玉巖翁千載澗芳躅古人遲不來歸路迴

逾俛仙草拾翠 閔秀方靜儀遊通天巖詩 嗚然名山信  
雲袖中有山綠 是不虛傳擘開大華嘗空立飛下兜羅絕壁懸呼吸直

應通帝座登臨到此卽神仙媿無謝眺驚人句搔首長  
吁一問天 蘇陽已去尚遺嶽名士酉題徧翠微佛刹

全憑巖作屋僧寮半借石為屏白雲在地參差出黃葉  
滿林高下飛不是晚風催 宋胡榘忘歸巖詩 寄巖如

送冷猶遺餘興澹忘歸 飛俯偃嵌根窵徑微透脫空 胡榘翠微巖詩 清獻濂溪  
虛真世出徘徊何啻淡忘歸 陳宗禮翠微巖詩 二老仙風

流景仰一時賢摩挲石刻 追前躅薛韋蒼崖愧續鐫 往事鐫鐫  
人聊此可從容神仙已逝境猶在洞府雖深石不瑣閱

遍古今雲木老洗空塵土石泉春此懷清白堪超世何

必星精  
行地逢

明王守仁忘歸巖詩

意孔已忘言與劇復忘  
飯坐我此巖中是誰鑿

則遠

尼父欲無言達者窺其本此道何古今斯人去  
空巖不見人真成面牆立巖深雨不到雲歸花

亦

國朝周令樹遊忘歸巖詩

久識忘歸路茲遊心倍  
閒秋聲吹大壑落木滿

空山地僻藏翁女林喧出洞

丁燁志歸巖次陽明韻  
雨

淨嵐陰冷冷中帶好崖丁納清虛遊神寄山島已

劉篤

勝遊通天巖和陽明先生忘歸巖詩

策馬出關山隨地  
風雲好行到通天

巖此身在瑤島陽明非必遲東坡

黃世成忘歸巖詩  
丁

非必早但見嶺頭雲春秋長不歸

崖

兩曲吳中洞含清暉懸溜泐舊題摩挲滄忘歸願

逐赤松侶聊將白足依舉手謝時人躡履凌空飛  
明

蔣曙西隱山詩

若徑營迴少四鄰小橋流水淨無塵歸  
露碍馬閒留客好鳥穿花不避人坐愛  
崑崙當面碧漫吟風月滿腔春酒闌小立重翹首愛國  
志經感陶顏

龔公山在郡北一百二十里昔有隱士龔毫遯迹於此後

為寶華寺馬祖道一遺跡及勒潭龍井在焉其北為試

劍石為分水嶺為龍頭嶺又北東為福嶺山自山西行

越小雪嶺抵萬安界為黃唐山空洞奇秀仙靈窟宅鄧

德明南康記疏為贛山今割隸萬安距龔公山之西南

為楊梅嶺為攢嶺為天南山舊有盧光稠驛亭西望怪

石萬狀者為順山山最高歷三十六垵乃至其巖自順

山而南為社山山接馬頭嶺嶺上有廟

宋楊萬里過分水嶺詩

路險勞人役僕須下轎行石從  
何代落巖傍蒼根生古樹無今

態幽泉有暗聲只言

章貢近猶自兩三程  
楊萬里憩分水嶺望鄉詩  
嶺頭泉  
眼一涓



流南大度州北吉州只隔中間些子地水聲滴作兩鄉  
愁嶺北泉流分外伴一聲一滴斷人腸浪愁出御廬  
陵界未入梅山總故鄉

西華山距城東北百里有真武殿初自天寶六載勅曰

靈山每月朔日雷火掃殿宇天雖晴亦間有雷電相近

有金螺山舊傳掘土建刹得小石數斗如螺赤光如金

故名上有石佛祈禱甚驗

通志

虎山距城東百里宋初封妙高峰上有寺山巔一石如人

立相傳吳生佛於此騰雲去其附山而雄踞江畔黑斑

如虎者爲虎面石

張志

又有枕石橫亘宛如一枕

謝志

又北

十甲有石人石相傳宋州守劉彝舟過水涸灘高榜人

甚難之夜夢石人語曰劉賢侯也吾當護之詰朝解纜

卽下灘

通志

象龍山

謝志無  
龍字

在城西北百里旁高中窪有石鍋石竈

謝志

玉石山在城北四十五里山巔黑壤惟片石鮮白如玉昔

有瞿氏釣山下有二少年皎苦冰玉相謂曰別來此石

長殊駛已忽不見

太平寰宇記

石上有冬桃樹及石杖云昔

有引杖擊桃者去而留杖於此又北十五里爲鳳凰岡

宋治平間有雙鳳鳴其上

通志

合龍山在城北百里荒寂無人居與天師山相接距山十

里有龍蟠虎爪二石西接黃竹嶺四畔有竹爲龍泉界

張志

錦屏山在城北九十里狀若列屏與雙秀嶺相對越十里為南高峰舊名帆嶺與中峰山相對高可十初有峰高如柱矗圓如覆釜者為金龍山舊名下釜接烏堯山與席帽山對巖泉瀑布溪澗抱流為入省孔道

張志

雩都縣

羅田巖一名善山在縣南五里巖洞有三兩旁相通其形如虎宋時荆華巖禪院周子倅虔時曾遊此故有濂溪閣山頂有高山仰止亭巖下右曰觀音巖邑人何春所闢有記巖之西有別一洞天左為仕學山房石壁鐫刻

詳名蹟道光四年知縣黃濬構躋雲山館彘道軒於巖左名其山曰抱秀有詩記又南五里為通巖山腰前後洞徹內通往來石刻詳名蹟又二十五里為慈果嶺稍東逆折為堯塘三嶂中嶂端小左右兩嶂在其前勢若拱趨邑人易學實避兵處又距縣東南四十里為磊石峰山半有石三二石附土稍小大者架於上形似磊字因名又為鍾公嶂雙峰並起峰際有庵祀鍾公未詳其名其對峙者為蕭公巖中有洞天尋之不得聞有人者門旁有翠竹二分內外向風來埽地洞內有桃實置石几上食之袖其餘歸忽迷路置之得出又距縣東南八

十里有石人嶂有石大一抱高四五尺如人立山腰故

名參謝志張志縣志

明王守仁觀善巖小序善吾性也曰觀善取傳所謂相觀而善者也何春觀

善巖記宏治壬戌遊羅田閔及三先生祠右正德辛未始獲其故址建廟主焉尋拓斯巖題名觀善

數楹以藏修遊息數十年景仰之心乃遂為之記曰仰

觀法乎天俯觀法乎人泛觀法乎萬物以善乎其身家

天下及後世夫是之謂止於至善羅巖別號善山取相

觀而善以發其義是故冠之以觀也又明年陽明先生

嘉惠以大書小序自延仁正之來余復何言論者以為

立意命詞慙如圭箴無心也可見天下之道一人性之

善皆可為引且宋廣谷遊羅田巖記庚申二月辛卯余過友人

王君家有談羅巖之勝者亟思一遊座中有客曰余請

為導初至雪陽一覽處便知此中別有天地旋從曲徑

入巖之左為觀音堂石穴深數丈高不過六尺諸佛像

在焉外為樓閣之上亦列諸菩薩像右折而入為閣有

瀟溪先生像陽明子書閣榜暨石刻鑲畫銀鈎令人敬

玩不盡未幾客輒促余行過觀善巖巖石刻詩句甚多

未暇卒讀山之頂有鎮武祠前後平廣多古松半响間

客草草促余歸矣歲庚午楚黃王公厚齋令寧攝雪篆

公之季子及其幕中數客謂余曰羅巖為先賢巾拂之

地不可以不遊子能為東道主乎余聞而喜其益余前

此未盡其遊之致快快者十年遂市酒數斗茶鐺竹爐

命童子持以先往余與諸君緩步渡江至巖先登瀟溪

閣從容成禮談先生軼事誦岳鄂王訪黃龍詩賡和數

次乃造觀善巖觀羅念庵大書石刻凡諸匾題悉反覆

吟咏稍別其妍媸時日亭午諸君以為觀止矣余曰山

之頂可無遊乎於是歷險仄或俯而猿行或曲而蛇行

或橫足而躡行童子翼之乃陟於巖忽聞農歌競唱好

鳥聯吟復移步松陰下聽天半濤聲如笙簧之奏下山

復坐觀善巖童子持杯筆以酌諸君謝余曰名山之慕

人矣賴子得盡其勝子惠我多矣曰十年前遊僅半响

今得從諸君後一一賞之俾山靈不我誚我惠

諸君乎諸君惠我乎遂相與劇飲頽然而後歸

黃濬遊羅田巖創建凝道軒記道光甲申四月十有七日黃子與客十四人會

國朝

於羅田巖僧名蓋自葺雪以來夢想是遊者已數閱月  
至是而願始遂也出城南門渡江入兩山間屈折下上  
經數盤而至巖口有雪陽一覽處未暇登也入羅谷松  
篁交掩石磴委蛇首登觀音閣閣倚巖其前為禪室巖  
之下支壁安扉佛座前正廣十笏陰森之氣逼人稍右  
為元帝殿殿後巖下亦奉觀音像座左有洞深數十尋  
舉以火乃得入又右為懸巖橫列數十丈瀑霏霏從巖  
灑漸墮上勒唐宋以來詩歌遊記不下數十百首石半  
泐不能樂讀又右為濂溪祠祠有濂溪像配以岳忠武  
文文山王陽明及雩都五君子又右為觀善巖大刻文  
山四言箴其餘石刻尤多剝蝕者亦過半巖下天然可  
設講肆當時名觀善以此遊既倦返憩僧舍余因慨然  
於山之名勝盡此一覽前人之搜爬展拓以留名於茲  
區者不知凡幾今其名或存或不存悉聽諸片石之堅  
疏以自分小暫無他聚奇於肆既多不足珍也假使余  
與諸客以今日之遊列名其間縱大書深刻再開數十  
年而水寒石泐卒與前之人同歸泯沒烏用此鉅鑿勞  
勞為無聞步至左隅過一坡異境忽闕松篁彌積鬱石  
壁光潔峯巒迴抱有乳泉出石罅積流成窪味甘醇勝  
他水山半平曠處正對峯西迤邐露碧苑如几案之列

硯山也余乃訢然曰此殆天之留以與我別開生面  
自壽其名者可不與諸客謀所以固存乎因釀金得如  
千兩擬為軒平曠處命曰凝道以配觀善之目並列名  
於石壁而名其山曰抱秀繼自今遊抱秀之區者泐厥  
由來當自余與諸客始雖然名不名未可知也使余克  
罷勉事功雖無以幾濂溪諸子於萬一猶不自敗其名  
而諸客亦奮發有為足以表見於世則後之遊茲山履  
茲軒者方景仰愛護苴葺之不遑縱不列名名亦卒不  
泐而不然者泐泐汶汶汝汝與草木同腐則茲軒將為芻狗  
之棄而石壁之名亦與苔蘚蝸涎共磨滅於山間之榛  
莽而已矣余其勉乎哉客亦勉乎哉客為誰其四余幕  
友嚴子若泉淳袁子松泉聞李于桃溪發春陳子璞生  
堯村其十邑紳上李子奮霄起紳宋子月臺惟駒劉子  
六吉名謙易子雲會霖蕭子品方端管子宏振奕綱劉  
一勝蘭鼎杜蕭子頡清成瓏易子紹彭先壽丁子響濤  
琛壺舟黃濬記

明袁慶祥重遊羅田巖詩  
不到羅巖又十年  
嵐光樹色只依然  
久忘朝市無塵夢  
自

愛林泉亦舊緣  
草屨倦依松下石  
村酤不廢  
嚴鍊羅巖  
杖頭錢  
山花山鳥  
渾相識  
漫與題詩  
愧昔賢

曉步詩

曉行休麓曙光微遙見僧巖尚掩扉巖外草因人露跡山前雲與鶴齊飛千尋老樹圍空在九

曲流泉景已非書屋松陰

羅洪先同黃洛村宿羅巖詩

古人不可見空谷有遺音一卧白雲上方知靜者心薛林風開霽色巖月下峯陰悵望千年後庭前草自深

甲念菴洛村招遊羅巖詩

茲行有佳趣山水自知音幽壑生虛嶺高峯下夕陰煙霽

人去遠蘋藻意何深剩有閒風月年年足賞心

黃宏綱奉陪畏齋念菴宿羅巖

夜話詩

巖徑無人到幽期集上賓為勞采風至因得聚星頻留賦驚山鬼探元靜谷神何期霜月五偏

向洞

羅汝芳羅巖登濂溪閣詩

山谷雙黃鳥嚶嚶來好首名巖方獨得多士偶

同心陟嶠寧辭險尋源莫厭八

大山人羅巖夜坐詩

為愛

清秋夜簾垂五漏時山虛吞小月雲重壓高枝露冷蛩吟急風驚鶴睡遲旅魂無著處惟有少陵詩

李淡

羅田巖和韻詩

重訪山巖勝依然樵採首船中黃獨味物外紫芝之心石壁生雲氣藤蘿下夕陰

秋色古洞深

張整同嘉禾韓思古雪都何廷仁遊羅巖

詩

我思古人獲我心洞壑窈窕雲中尋松桂交加發新

花陰巖戶高歌黯惆悵海月江風無古今

劉鴻遊羅巖詩

路轉羅巖一徑微吟鞭敲倒白雲扉

山花笑午留人醉野鳥啼春傍客飛漉池鑿來塵劫老姓名空在舊遊非洞前惟有元公草貽我餘香滿袖歸

葉本重九遊羅巖詩

峇嶺逢秋一年尋僧時許拂蘿煙菊期真藉朋尊倒詩屐頻從烏

道穿山際石盤藏古屋天空木落下瞻川便思刻盡巖頭竹留作登高古事傳

國朝李元鼎

追和羅文恭羅巖韻詩

石蓮名蹟在山水發遺音為紀來遊歲相同異代心雲生空梵

響泉落蕩秋陰不盡

梅賁英陪李司馬遊羅巖追和念

菴韻詩

幾點嵐光下松風引澗音絳霞添暮照黃葉落秋心相老猶遺古碑殘半臥陰回看青嶂合渺

雲深

黃濬躋雲山館凝道落成詩

大蘇吹陽一代賢學業濂溪相後先蘇公

有言時可惜人生重九莫虛擲歐公作亭名醉翁官民  
于客何雍容我今兼之殊不惡盛遊况近濂溪閣濂溪  
庭草常不除天趣當與行生俱若令佳日得佳境歐蘇  
風味知無殊竭來再拜濂溪像霽月光風憑昭想當年  
作倅來處州恨無勝事如斯兩云何兩事吾能兼今來  
訪古登羅田抱秀山中得幽苑開軒命酒當秋天軒隣  
觀善名疑道館號躋雲接虛灑丹翬麗藻翠微間結構  
工能非草草矧茲佳日招佳朋英囊倍勝去年曾糕字  
敢題人豈讓按韻倒著我何能既不如永叔除陽有善  
政又不如于美文章推上乘俗念安知太極虛塵容詎  
比池蓮靜與古為徒亦可喚前賢名蹟誰能追縱令佳  
日佳朋得佳境百年之後誰知之嗚呼百年之後誰知  
之此日不樂將何為眼中之人能弗思

斗巖在縣南二十里以七小阜得名即唐時梁真人修鍊

登僊處詳名蹟又十里為獅子巖石透泉清迥異凡境

又距縣百里為祈山祿山兩山對峙丁方為文明所繫

也又十里為安山亦蒼然為南方之秀界連信豐

志縣

明袁慶祥獅子巖詩

選勝茲巖久因循過十年僧房半榻在佛座一燈懸花氣因風到泉流逐石遷從今幽興發時欲破苔錢

需巖在縣南四十里上下兩穴鑿磴而通其形如獅宋孝

廉王鴻隱此山腰弁深若堂磴道僅容側履有泉曰龍

光液松曰甘露松木樨巖在其下有池曰需塘左為涵

虛洞右為釣魚臺為岵山石壁篆跡皆鴻手作又去需

巖一里為墨煙巖曲徑盤旋松竹茂密亦鴻所闢

志

參張志賈

明宋應桂遊需巖記

邑西南四十里有需巖王異道先生

試第一不樂仕進歸隱於此題其山曰嵒山泉曰龍光液松曰甘露松鑿袤丈曰涵虛洞洞之右則為需巖巖畔桂樹叢立稍折而下為釣臺余為童子時讀邑乘已不禁悠然神往矣今年五月過歷山蟲蟲之氣夜猶逼人思得一清幽處避之及門丁子美文曰需巖去此不遠盡往遊乎余聞而喜甚比就寢不能寐思明日之遊其轟然而秀聳者嵒山耶瑩然而清潔者龍光液耶盤鬱而蒼翠者甘露松耶間蓮峯有甘露柏赤日過其下霏霏濛濛衣袂都溼松其此類歟巖名需需者待也蘭亭待右軍而顯輔川待右丞而傳先生有待於巖歟抑巖有待於先生歟第不識所謂釣臺者亦如富春之巒雙峯並峙俯視世人否耳目未接意想所因是所謂需巖者已不啻一夕臥遊矣俄而東方既白急促丁子具膳行十里許忽見萬山迴合狀若衆星環拱因捨輿步行歷歷過之不覺爽然與吾伏枕之所思無異巖前濕布時飛斜陽反照如珠簾瑟瑟則邑乘所未載惟巖屋數椽窻櫺敞明或廟或禱寺家新架木以支石磴盤桓亦頽塌而不理則又不勝世遠年湮人往風散之感矣

最後覓釣臺得諸山陰百步之外時金烏欲下遂就道先生像賦詩一章而歸乙丑五月既望日記

明羅洪先夜宿需巖詩

香臺遙在最高峯一宿身同出世中鐘後殘經過半夜巖前古

佛傍孤松吟當萬壑音偏遠夢入諸天念何春需巖晚轉空聞道草元會此地卻憐相憶不相逢

景詩 日送長松上帳厨扶疎影挂老龍圖年年好景春三月處處高懷酒一壺巖插暮霞裁斷錦花含宿

霧綴明珠從頭造化閒何春需巖曉發詩 曉色分明夜收拾不負乾坤一丈夫 雨餘地偏心

遠卻堪居西山影亂東山樹大瀧錢連小澗葉險割羊腸愁蹶馬砌生鶯子快顛車籃鬼不局頻飛去青眼芒

芒海闊如

龍門石在縣西南一里下漚澄潭夜有紫氣濛濛騰霄歲

大比或聲裂如雷俗謂龍門開必有掇巍科者南十里

為寬石舊名棺石相傳晉末有發柴柴候者忽大風雨

棺及松柏悉飛渡此山棺化爲石而松柏隨植其上云  
高平直矗上可避寇又距縣三十里爲鱧魚石赤石瀨

江狀如遊魚

參張志  
縣志

元劉君賢龍門石詩

石下清溪石上苔坐將兩腳洗黃  
埃波深雨冷神鼈隱收拾綸竿屬

後來

康石巖在縣西南四十里有五洞中有黃荆一株大可合

抱土人傳有飛仙遺跡又距縣七十里爲左坑山有龍

湫二水相承而下時吐雲氣禱雨靈應逆折二十餘里

爲黃蓮山舊傳陰雨晦冥常聞音樂聲或云山產黃蓮

或作黃蓮以產黃色蓮花得名

參張志  
縣志

本仁拔謫志稱藥山則產黃連之說近是縣志鑿

羅石在縣東南五里其上平衍可容數百家鄉人結寨避

寇號羅石寨逆而東爲三豐山山麓有壩爲梓山爲南

田嶂下有澗爲南田澗爲烏仙嶺又東距縣七十里爲

青雲嶂頂有梵刹山腰僧寮甚多又十里爲馬腦嶂以

形名逆折十里爲龍頭山界連瑞金別有山名雩都對

瑞金之銅鉢言故以邑名也

參張志  
縣志

靈泉巖在縣東五里有石瀕江水從竇出色味絕佳舊有

寺臨其上一名出水巖距一里曰牛牯石當湖水之衝

而漢水亦繞過之兩水蕩瀾障之南趨又東十里爲檀



梓山山前為龍舌嘴兩江之水所會處隔江右十里為青釣山飛淙濺沫自巔而下春夏淫雨居民候其聲以避昏墊迤左十里為黃金峽距峽二十餘里為望夫石逆水東北二十里為寒信峽與車頭嶂雙崖對峙梅川貫其中歲暮峽中先寒故名俗訛為韓信立祠其旁

參張志

縣志

明邵元瓘靈泉巖詩

佛子閣前江上船輕風吹動水漣漣一枝兩枝桃實碧千朵萬朵榴

花鮮占蹟帝尋詩句哀山人忙走長官前方知俗吏存形迹笑倒昌黎與大顛

國朝譚孔經

寒信峽詩

尋幽除逸興暫爾避塵氛共此一川水俄開雙峽雲草香經雨歇松韻與泉分向晚山風

厲歸途落葉紛

柴侯山在水頭里距縣七十里漢靈帝時有劉叔喬避地

於此自題其墓曰柴侯之後山因得名又距縣百里曰

皇帝巖有石牀石几室可容數十人昔蕭帝從南康獄

出避難揭陽實此巖也一作望帝距巖五十八里為珠

玉山舊名官山漢時有於此得大珠者攜歸致富唐天

寶間勅改今名時有珍禽香草

參謝志張志

干霄山在縣東南七十里產松杉莞筍石蜜

謝志南康記

丈鼓石在縣西十里邑之辛峯建塔其上易學實記下有

屏風石瀕江橫列若屏又名宣詒隔江下六里為金雞

山山臨貢水石光如霞旁有穴廣四尺一圓石當穴口

晉義熙中見有神雞出入色如金奮翼長鳴彈之遂化

為石宋永初間復見棲翔於此南康記即今流陂坑口鷹

子寨縣志又距縣四十里為太平山瀑布幽蘭供人遊賞

有太平觀通志

唐羅隱金雞山詩怪石嵯峨枕碧溪世人傳說有金雞試問溪邊漁艇客一宵還有幾聲啼

白雲嶂在縣西四十里即白雲堆中有龍湫深不可測有

洞三上曰白雲巖中曰太虛巖下曰龍巖各可容百餘

人石乳重重欲墮五色絢爛疑神工所為扣之鏗然作

玉磬聲或作鼓聲溪脈貫注邑人袁淳讀書處先時韻

人呂楨棄官歸隱於此著有龍溪清嘯稿復有石狀如

龍泉出其曰袁淳砌一引水九曲為流觴之玩題

曰洗心參謝志張志

國朝梅賁英西山白雲堆記今嘗往來西峽遙見白雲片片飛入空翠中則相與

指而語曰此必白雲深處也順治乙未仲冬始與諸子訂西山遊放舟夕陽及岸則江村月落矣明日舍舟陸

行仗山僧道之行二里許奔壑層崖交空盤曲僧向余曰舊龍湫也龍去而窟出矣得門焉篆曰龍巖級而下

做如堂堂左一石倒垂類渴狷龍將甲飛動對之色深石微竇水溶溶出漈流若帶然不辨其所自來也後

有不榻翠幕周垂深冥如與方謀坐榻上忽白煙從空際飛來鴻濛濛形半沒逐煙而出折而上徑漸險

駭鹿驚鷹雜馳林樾進此即太虛巖也雙懸碧乳形類窟鼓僧以石投之鼓聲不壯鐘則錚錚如金玉石落而

響不歇余曰非子瞻所云周景王之無射乎戀其響不欲去步巖後小洞洞甚黑窮之忽中透一線天光微渺

即所稱一線天也出洞口西登其巔及半見翠壁破空雲氣滃之不問而知為白雲巖矣石皆玉色珠光嵌空

玲瓏恍惚炫目分坐石上命童子疾穿之倏忽隱見如  
後鶴出入雲中不可捉摸余拊石歌曰萬壑染秋雲乾  
坤怪未了遊人無古今天風醉花鳥躡白雲巖而上滿  
山皆采石光潤靈奇如空天散采色態幻變僧曰此非  
所謂白雲堆乎余與諸子摩挲碧落真令人作天際想  
僧請下山菴禮佛洞水步步隨行人飛流問僧水從何  
來曰自洗心巖余愛其名急令引至巖頂狀若龍首泉  
噴口中瀆湧怒發方知龍巖之水至此始出也沿溪歸  
一帶潭煙石霞飛舞追送余徙倚之回望白雲堆如天  
半彩霞飄忽斷續龍巖如老僧劍客幽壯蒼寒太虛巖  
如謝道蘊坐有綾步障中神情散朗至於雕空鏤影如  
騷人才士扶怪搜奇則白雲巖也是夜宿舟中覺雲影  
紛披几榻間遂呼童子敲火爲之記

明袁淳龍巖詩

三絕懸巖石磴通洞門長日白雲封  
石牀綠澗飛泉噴千古人間幾臥龍

國朝梅賁英龍巖詩

老蛟盤神窟呼氣吐靈波空明結  
怪光蒼蒼滴寒碧倒石挂秋雲離  
離幾千尺石破噴洪流水與石共白  
石靜水搖之水動而石亦立於溪中  
窈冥蕩素魄

峽山在縣西六十里兩山對峙袤亘十里貢水貫其中有

沙洲長二百餘丈砂生三角與常砂異名米砂春夏之

交居民視其厚薄以占米貴賤

張志

遙望有夜光若火從

峽湖流十里至蛟窟而沒

南康記

唐天寶時勅改爲夜光

山山下有路通贛

參張志

本仁按峽山名夜光山通志及郡縣志皆然惟寰宇  
記峽山謂之雩峽在縣西北五十里夜光山在縣西  
北八十里與志異謝志亦列雩都峽與夜光山爲二  
則雩都峽又與峽山異

明何春石峽詩

鐵壁中分鳥道微誰將玉斧破天機舉  
頭見日山生雷轉眼流雲石褪衣葉重

定因花影瘦條柔應是柘陰稀方

國朝丁燁過峽口

詩

青靄結層岑朝暾翳回麓掉鞅越林阿寒松淒以綠  
嘉卉競紛葩幽禽響邃谷夷猶涉清溪漣漪淨如沐

暫假濯纓娛希心塵外躅登頓歷修塗駛駮互起伏巖  
擊恣延佇煙霞盛覽矚向夕望崦嵫明明繡壤錯農人  
穿黃雲腰鎌獲秋熟會  
詠幽雅詩南畝勞載傲  
丁煒再過峽口次前韻詩曉色  
曼秋氣散晴麓彳亍攢長鑣蘭皋踏寒綠稍隨樵牧蹤  
迢遙出巖谷雩溪何逶迤澄泓炳可沐羨彼鷗鷺羣飲  
吟閒蹻躡野老敢柴荆山厖吠且伏浣女避行人延紆  
迴盼瀾下馬陟屣屣瞻懷趾履錯林憩楓栢紅果欣柿  
栗熱心折鹿門龐征裝方此傲

烏石山距縣西北十里俗傳洲上浮沙隱約見城郭之形

人或平之復浮出名曰烏石沙圖

張志

天文卦畫山川鳥

獸花木宮室變換不測

物理小識

又五里曰古木嶂與烏石

夾溪而峙高聳橫空又三十餘里曰鳳凰嶺形似飛鳳

稍西曰增坑山山嘴逆折而西有懶人石曰南泉山泉

峽山在縣西六十里兩山對峙袤亘十里貢水貫其中有

沙洲長二百餘丈砂生三角與常砂異名米砂春夏之

交居民視其厚薄以占米貴賤

張志

遙望有夜光若火從

峽湖流十里至蛟窟而沒

南康記

唐天寶時勅改爲夜光

山山下有路通顛

參張志

本仁按峽山名夜光山通志及郡縣志皆然惟寰宇  
記峽山謂之雩峽在縣西北五十里夜光山在縣西  
北八十里與志異謝志亦列雩都峽與夜光山爲二  
則雩都峽又與峽山異

明何春石峽詩

鐵壁中分鳥道微誰將玉斧破天機舉  
頭見日山生雷轉眼流雲石褪衣葉重

定因花影瘦條柔應是柘陰稀方  
知禹鑿龍門意卻笑金牛用意非

國朝丁煒過峽口

詩青靄結層岑朝曦翳回麓掉缺越林阿寒松淒以綠  
嘉卉競紛葩幽禽響邃谷夷猶涉清溪漣漪淨如沐

暫假濯纓娛希心塵外躡登頓愿修塗駸駸互起伏巖  
壑恣延佇煙霞盛覽矚向夕望崦嵫响响繡壤錯農人  
穿黃雲腰鑣獲秋熟會  
詠幽雅詩南畝勞載傲  
丁焯再過岐口次前韻詩  
曉色  
見秋氣散晴麓千予攢長鑣蘭皋踏寒綠稍隨樵牧蹤  
迢遙出巖谷零溪何逶迤澄泓炯可沐羨彼鷗鷺羣飲  
啄閒躑躅野老啟柴荆山飛吠且伏流女避行人延紆  
迴盼瀾下馬陟屣屨瞻懷趾履錯林憩楓栢紅果欣柿  
栗熱心折鹿門龐征裝方此傲

烏石山距縣西北十里俗傳洲上浮沙隱約見城郭之形

人或平之復浮出名曰烏石沙圖

張志

天文卦畫山川烏

獸花木宮室變換不測

物理小識

又五里曰古木嶂與烏石

夾溪而峙高聳橫空又三十餘里曰鳳凰嶺形似飛鳳

稍西曰增坑山山嘴逆折而西有懶人石曰南泉山泉

自北流曰黃上嶺曰石函嶺二地界接顏縣

參張志縣志

雲山在縣北三十五里盡十數里之勢磅礴鬱積而起高

可摩霄荷嶺諸山橫列其前如屏是山獨露其頂蓋邑

治望山也山腰有泉上世禱雨有驗因名雲山宋令周

頌有雲山廟記

縣志

明袁淳仰雲山歌

我所仰兮在雲山曾扶瘦竹相躋攀  
石壁崑崙凌霄漢三十六峰相迴環

有神云在縹緲間逢早能雨答黎頑  
我欲追蹤與往還山悠悠兮水潺潺

夏寅雲山詩

雲峰屹立

壓峩嶺上有元朝感雨碑我作  
記行詩未畢升車忽起片雲隨

國朝黃元捷雲山詩

一朶芙蓉萬仞青層雲矗透碧亭亭  
有能作堯時雨不使蒼生歲乞靈

黃濬雲山小樂府

老樹鶴雀巢貢水西去雲山高巫陽掌瘦渺千載  
青已拂舞紛兒曹大雲祀事載周禮考典錫名邑所始

為民請命古已然曰大有年書於是

青山在縣北十五里左偏袒岫右馬跡岫相夾峙若三台

又名三台又北十五里為長布心嶺地形綿亘若正練

又北二十里為乘龍嶂又距縣八十里為龍溪山巖有

龍湫因名界連興贛盤曲叢菁中忽平曠可二三里昔

多嘯聚其近距縣十里者為東坑山西坑山又有赤沙

盤平岡屈曲邑人李涑讀書處華蓋山在北關外為縣

脈所自入

參縣志

古田坪在縣北五里形方面長一坪似掌卽漢灌嬰始立

縣治處有東溪繞其後距縣東北二百里為蓮華山坪

自北流曰黃上嶺曰石函嶺二地界接贛縣

縣志

雲山在縣北三十五里盡十數里之勢磅礴鬱積而起高

可摩霄荷嶺諸山橫列其前如屏是山獨露其頂蓋邑

治望山也山腰有泉上世禱雨有驗因名雲山宋令周

頌有雲山廟記

縣志

明袁淳仰雲山歌

我所仰兮在雲山曾扶瘦竹相際攀石壁崔嵬凌霄漢三十六峰相迴環

有神云在縹緲問逢早能雨答黎頑

雲峰屹立

我欲追蹤與往還山悠悠兮水潺潺

壓巖嶺上有元朝感雨碑我作

國朝黃元捷雲山詩

記行詩未畢升車忽起片雲隨

一粟芙蓉萬仞青層雲矗透碧亭亭黃濬雲山小樂府

有能作堯時雨不使蒼生歲乞靈

為民請命古已然日大有年書於是

青山在縣北十五里左偏袒峭右馬跡峭相夾峙若三台

又名三台又北十五里為長布心嶺地形綿亘若正練

又北二十里為乘龍嶂又距縣八十里為龍溪山巖有

龍湫因名界連興贛盤曲叢菁中忽平曠可二三里昔

多嘯聚其近距縣十里者為東坑山西坑山又有赤沙

盤平岡屈曲邑人李涑讀書處華蓋山在北關外為縣

脈所白人參縣志

古田坪在縣北五里形方面長一坪似掌即漢灌嬰始立

縣治處有東溪繞其後距縣東北二百里為蓮華山聳

秀如蓮瓣勢向寧都為其祖龍而山背屬雲前為天子

山若垂幙然勢與九山嶂競麗昔有神僧結宇其上祝

天子萬壽故名又有東華山在虎井村東路通闊廣又

東北距縣一百里為天華山前臨銀坑有三峰相並中

峰之陰有菴參張志又有中華山在謝村堡縣志

僧天華山菴題壁詩雄名自昔號天華佛座重新煥彩

霞曲水紆迴環固石危峰綿亘枕高沙天涯擊鉢悲貧衲日暮鳴鐘帶晚鴉入夜風聲寒

古木殿垣時有片雲遮

固石山在縣北一百里即展誥山宋岳飛平彭友巢穴處

山舊有飛題句今漫滅東北為御屏山飛議立巡檢司

於此今廢參張志

高沙寶障在縣東北百里一名老虎山三峰品立宋時有

樵者逐白兔入穴掘之銀鑛溢出故名因置銀場鑛盡

火廢縣志又東北五十里為禁山與張家山相連東望寧

都西矚興國南眺零都昔人有禁曰彼此無相侵擾遂

名又東北三十里為仔童山通志山頂有仙殿山腰有佛

廬為零興二邑發脈處實自興國來專為零祖也縣志

國朝宋光國仔童山詩碧嶂參天上中峯寶界平兒孫

羅家嶺霧雨宿雕甍野鹿晨偷

芋山猿夜摘櫻風塵何擾挾棲託慰平生

約何曾石礪居喜尋蓮社方分得遠公廬任火樵蘇識

狂來冠帶疎誰能外簪弁長此臥蓬條

十月霜威肅

千崖木葉凋夜寒松蠹落書暖蜜蠶朝

林石看雲久攢

節硬水遙林泉逢歲晚耐冷並漁樵

羊角紅雲起蛇

頭黑霧屯風迴山擁翠電掣雨翻盆

碎留涎涓滴重陰

閱早昏昨來問童僕山下好晴晴

圓石寨在賴村石圓而峻壁立千仞有精舍明季宋氏避

亂處盤龍寨安福寨在其後石壁中闢一洞窅然以深

者曰二庄月潭在焉圓石寨下二石峭峙一如鐘一如

鼓名鐘鼓巖中有佛廬右一石形如片月名月石又有

申公巖天馬巖坐靜巖昔有道人於此靜坐故名又三

寨相連曰杉山寨金牛寨竹勝寨杉山尤平衍下有頤

巖中兩層洞開如頤卦然馬尾寨以形似馬尾得名此

皆賴村所新闢者參縣志

國朝宋華國讀書天馬巖記邑巖壑之奇以羅田需巖為勝其次則為余族天馬



巖巖背山臨水一望雲煙無際中寬敞數百丈石壁高峭陡立飛泉涓涓如瀑布終年不斷余嘗與族兄弟月潭暢谷桐山畏軒二仄讀書古寺每夜坐佛火熒熒四無人聲惟聞鐘聲磬聲與讀書聲相為答應少時學業之進大抵得力於靜功也嗟乎地以人傳羅田巖以周子濂溪傳需巖以王子鴻傳余嘗遊二巖為之景仰憑弔而不能以自已未嘗不嘆巖壑雖奇不得名賢以居之則寂寞而無色然則茲巖之藉以傳者正未知誰屬也柳子厚云不遭右軍則蘭亭亦蕪沒於空山矣於是記之以待後之學者

國朝宋昌琿登圓石寨詩

我觀香爐峰生煙入天際又見大佛頭片石聳巖巖何如

此一拳遠分員嶠勢松杉樹隨林苔草旋螺髻巖然天地間元氣無終始東接隅夷光西挽望舒轡斷巖雲梯高破壁風蝕細懸峭起石門坡坳藏佛寺登臨出世界肘腋若生翅俯瞰野蒼茫仰瞻天開霽願與仙者遊塵埃何由至宋昌悅月潭詩濛濛崖下雨崎嶇山路仄欲歸步由至宋昌悅月潭詩脚踟遊與殊未極忽聞澎湃聲指點出奇僻攀緣到其下同聲齊叫絕何得嫦娥影落此湖中石上潭通下潭團團疑斧劈神功不可窮造物意

巖洞蛟龍潛石底隱隱露唇舌蟾兔走上天空留一窟宅水深杳無際橋險絕人跡坐久塵慮靜相對轉岑寂

畫工不可畫宋華國讀書鐘鼓巖詩奇嶂拔地出峩峩神境滯凡筆宋華國讀書鐘鼓巖詩絕躋攀誰知巖穴

啟中多羽人還石洞藏丹竈瑤草翳靈山出竇泉自響投林禽更閒我來及秋霽延日叢煙鬢但覺心與寂未許石云頌五岳志不遂俗累何

宋華國遊月潭詩月為陰之

以刪安能借道侶長此閉柴關宋華國遊月潭詩陰之

精周天無停歇不獨照此潭潭乃肖此月蹇裳涉其流淵淵清且冽寒光凜肺肝圓碧炯鬚髮對之神與冷塵氛無處渙但問廣

宋昌國遊鐘鼓巖詩石洞何年闢崎嶇一徑通寒雲

寒宮何如此澄徹宋昌國遊鐘鼓巖詩嶻嶭壁斜日下丹峰地僻仙源靜人遊上界空偶然翻

貝葉花雨落庭中

龍岡在縣東北一百里水出兩山間名龍峽有石橫亘若闕岡臨其上因名又東北二十里為雜木嶂為獅石中有玉荷巖曾躍龍記又有石牀一石盆二三旁有石人

一俗名小兒磧而其一石倒懸扣之若鐘者曰鐘子巖

有鯉涌於泉者曰鯉巖側又有通天巖一徑可達河澚

獅山前有小石山俗呼引獅毬又有竹篙山山下有巖

境亦幽邃 參縣志

### 國朝會躍龍玉荷巖記

玉荷巖平溪獅山諸巖之一歲丙辰余受張氏聘課子弟於獅

山凡二年今始得遊巖當獅山之左巨石角轟列峰峻起峭厲嶙峋觀者賞之而崎嶇輿折徑既僻人遂不遊時八月初二日賴縣袁又瞻亦館張氏家塾偕余邑易恪如譚非愚張純夫來山訪余又瞻幼隨父出授生徒讀書茲山其勝得備悉也因爲余言玉荷巖之勝烈日停午余極興發葛衣蒲扇肯遊者復益二人張恂若余門人譚天泰相率並往巖前後有門相通又瞻云自後入境愈幽而曲純夫云後則巖門水冷冽踣足可涉前大更爽也同人遂引前行至巖門聚石層累高數丈中開一線約可尺許逼仄必挺束側身始得入轉足定步

復羣石攢蹙崢嶸攀塊高下出沒可數十武余踞立巖上俯瞰清流激石縹滯注盪漾隨曲成致既而下石澄尾同人入巖奧如曠如手掬寒泉涼生兩腋巖上下石色皆白潤再進附壁張脣其廣長似舌之坦出然清流激其下余跨流而過坐石脣上上可容十餘人湊壁之下隅根巖頂石筍倒垂儼如荷蕊大若斗向外一瓣折起似挹露半開者餘俱含苞未分而瓣形簇簇仍可數余駭異愛玩久之同人前呼看荷盤余曰惜境少暗不得細覓其奇又瞻出呼童子取火至由是得火見盤於所坐石脣上根屈曲自下擎起高可尺五闊倍之圓展而磬其口盤間分水池若蜂窠大小不一俱石根天然格就巖頂石筍如拳者鐘者椀與盂者峯尖倒垂總如荷之初出試蕊焉當荷盤間並蒂兩大蕊又瞻云往時有泉自兩蕊下如露珠滴瀝盤池上永滿清冽綠漾莓苔愈怡觀也今無之於是離荷盤下石脣持火跨流看荷花花自巖頂倒開瓣大細以百數如乘時怒放立其下又如寶蓋可覆五六人距花右進復一大蕊如斗含苞欲吐無異壁之下隅者花並蕊俱玉色與巖石上下相映而花蕊繁布石脣似銀星之霏霏其間荷盤往時積水今旱澗古苔凝結色特綠暗余曰此正巧肖之無

不合者也當未入時觀積石層累開僅一隙且疑其無路又安知其中之所有哉然巖之玉荷自若矣生之一日培之百年人不遊而失焉所謂玉荷弗怪也遊之而賞之玉荷豈其修容而媚人然余誠恐持此以語人而人之未遊者多也歸而作記聊與同遊者相賞耳

金雞山在縣南四十里山有小石嶙嶙若毛羽然勢伏而

斜起有欲飛鳴之勢東百步有寨址形似壺盧名壺盧

砦四面皆石徑緣峭壁盤而上頂有僧舍遊賞者四時

不絕焉

參縣志

本仁按金雞山有二此據縣志增入

石寶穴距縣西七十里瀕江舊傳有黃衣人候舟乞食於

篙師既飽睡去竟入石去回視所唾皆金

張志據述異記

### 信豐縣

南山在縣西南一里與攬秀亭相對左枕花村右襟桃夢

登旒遠眺可盡一邑之勝

通志

山勢由穀嶺綿延奔伏界

江而止以達於邑為治城主山循徑而南為金文寺即

南山寺也今燬於火距寺數武有呂汲公墓寺有野老

巖巖東有釣魚臺一名彈子渦中有沙洲屈曲如之字

形讖云水打釣魚臺之洲去了狀元來相傳即地師楊

救貧語

參張志縣志

距縣東一里與南山相對者為九子嶺

九峰屹立桃水環流又西郭外之文明山亦與南山相

望南山脈入縣至東河而止文明脈至西河而止旁有

寺祀真武距縣東南三里為九蓮山乾隆間創書院於

左麓因名蓮山書院

縣志

國朝李霽遊南山記略

信豐多山南山峙縣治之前嶂若列屏秋九月諸生約余登高

秋風寥泬爽氣襲人乃出郭門西里許趨山麓逕甚仄草柔滑不可上牽衣登老木蒼藤灌莽紛錯數折乃抵山腰有古寺由寺側躡至山巔望遠近雲煙嵐氣環抱城郭一塔孤撐宛如天柱左則平曠衍人家紛如基布右界桃江之水紆迴滉漾映帶林薄東跨一橋橫亘如虹去過呂公墓讀其碑字剝落不可識下經奉仙觀聞疎鐘隱隱則獅子林也境特幽厯幾村落始至寺竹引疎風綠陰如海有攜酒來者余笑曰得非白衣人乎與轉酬舉觴存白不覺竟醉乃返比至城夕陽下山矣

國朝張瀚遊南山詩

石磴紆迴上清陰望不分林深長蔽日山僻欲生雲劫火餘殘寺荒

碑訪古墳縱觀來絕頂羣岫亂斜曛

穀山在縣西十五里雄據一邑下臨穀水多產翠雲草

謝參

志張

山下地名穀田因以名山頂有池產五色鯉

九域志十

道志

並同 上有晉九江太守葉率廟今廢由寺折而南為芙蓉巖倚巖為屋下有芙蓉石又名仙濟巖又東為銅鈴

岩一名松林岩山頂平坦康熙初邑人避寇築寨其上

山下有道濟庵其相對者為棲霞山南接銅鈴岩者為

鍾馗山下俯稱鉤灘又南為馬鞍山又西北為九日岡

頂方平可坐百人邑人九日登眺於此與南山咫尺相

望

參張志縣志

距縣西南一百里為古株山邨名藤壩石蒼

黝竹樹陰翳澗聲如琴筑小徑橫其上境頗幽絕

參張志

國朝黃文潮遊穀山及仙濟巖記略

秋八月既望四日

王公冕借而遊焉適雲間潘雪溪與寺僧樗木有約先至於時秋空如瀟淡煙依樹循嶺西南沿厓躡磴五里至仙濟巖巖駢駢其下穴而窪中窅窅而宏突若重樓巖頂小洞凡三疊不假陶甃椽楹為佛殿僧房者十餘厓壁蒼黝松檜薜荔垂髻俯映懸泉從雷端傾鉞颺空而下如珠散落遇藤蘿引之則玉螭天矯飛歎一線傳昔雄州葉氏女生而瘖忽乘風雲至巖頂蛇化祈者多應前明成化間鑄銅像祀之巖是以名既登穀峰之巔閩山粵嶠可攬而接也

明吳百朋穀山印事詩

山城會駐王公節我亦提師穀嶺巔偶爾笑談擒孟獲敢不功

伐勒燕然三軍死戰輕三伏百姓生全可蔡汝蘭穀山百年白髮漸生金革裏歸田無計愧先賢

詩聞說仙巖倚翠微閒隨野鶴扣雲扉兩江錦向桃枝合百里春從柘影歸回首崆峒無障翳大觀滄海有

漁磯風塵老我烟霞國朝張執中游穀山詩林下輕售此日向緣一振衣

紋暫攜吟屐避塵氛有與小隊原無擾尊酒佳蔬亦

醺路轉忽驚飛白練坡平偏喜亘黃雲山禽漫喚游人任西崦俄俞世沛芙蓉巖詩瀑界天山碧溪迴路忽分

看臂夕暉野鶴同曾靜閒花浣俗氣章履成古株山詩品山不必

耦耕應有待清興發微暉瘦皺鎌盡肥與濃價乃萬金購度山多嶮巖頗遜吾吳

秀茲峰雖一峯同游忽異構青壁堆瓏璫蒼紋羅篆繡竹樹潄繞之碧澗喧左右對此欲忘倦幽鳥正啼晝

廩山在縣北三十里

後漢書郡國志作傾隋地理志文獻通考皆作廩

豐隆如廩

唐改縣以此得名明主簿李鳳朝與賊戰歿於山頂即

廩而墓焉俗呼主簿腦志勝云山下湖水出五色鯉山

高一千五百五十丈

張志

金鐘山在縣南四十里二石筍高數丈絕頂有古寺基又

南十里為羊馬石羊馬地名以形似名者誤石磴數十級四周如墉中平如砥可容數十人又有董坑巖四山環拱中有石巖如屋俗呼羅漢巖又南十里為鐵石巖巖有二門相對中可容數百人舊有鐵石打金鐘之謠又前為石井龍巖昔龍穿而過現右爪至今巖有爪跡下臨桃江歲旱禱之聲鼓水微滴鳴金則長瀉矣又南為三明山三峰鼎峙石塔五層有泉泓然不竭傳有王道人結庵於此邑人俞慶築書堂自號三明山人歐陽德景賜俱為之記又南二十里為吉錢岡土色赭圓如錢故名又南四十里為火山砦山下有流泉與小壺峰之水合為龍洲

參張志縣志

武山在縣東五十里上有天池周環皆石雨後瀑奔溪溢輒有松子浮出石磴幽仄人跡罕到相傳唐武氏之旗避地於此因名其麓為竹村右為小夾山又名大小夾列如榮戟上有龍湫又迤邐為綿山綿水出焉折而前有峰曰鳳凰石兩峰如聳翼昔傳有鳳止其上

張志

國朝劉宏鈞東郊勸農歷武山諸勝詩

庚南氣候殊三月秧早時行

出東門廿里山嵐膩因坡治為田密比埤雁翅筍糾紛至伯餉儘走婦稚惘然念民勞有懷懶撫字舉頭訝屏列武山浮積翠昔聞武氏族避跡在斯地空聞澗口松偃仄足難跋右旌入雙夾劍戟森排比膠黏欲墮石俯仰令心悸迤邐來綿山山下眾泉委濬為綿江源湍激若雲駛幽興未終極紅日忽西墜山花映歸步農唱尚

巍巍茫然一回首絕壁孤松倚

香山在縣南八十里有峰九十九小溪十八多產異藥相

傳昔人見百鶴翔集各止一峰一鶴無所止羣鶴復飛

去志山巔有石似鷹欲下攫者曰鷹石峭兀似門者三

曰三天門柱立而排列者曰綿香石曰蠟燭石偃僕如

扶行者曰長老下山石有龍湫色澄碧以石投之響越

山谷其麓有觀音石下則高崖夾峙若屏屏列山水鳥

獸怪偉若繪巔有哀道人巖道人賣藥於市夜宿巖中

一日忽去書萬山哀道人造巖住八字墨跡猶存又南

四十里爲黃柏山上有龍湫禱雨輒應又南二十里爲

聖山舊有龍吟院石砰廣數十畝文如九宮八卦奇三

偶四又南二十里爲龍平山俗傳龍從山頂出遂平俯

瞰甃石灘上有照鏡石圓徑二丈許瑩白如鏡後人塗

而汗之又有響石高數丈與人聲相答然非遊勝之地

又南十里爲洪大砦爲鴉鵲口砦石皆黑又南一百里

爲黃石砦有泉有溪可容數萬人又有獅子砦自後望

之如果盒亦名果盒砦參張志謝志縣志

明俞通聖山詩雲滿青山水滿溪回頭遙覺四天低誰能拋卻人間事來向竹林深處棲

黃石洞距縣西南八十里高數十丈有石人作兜鍪按劍

狀石獅象踞其左右山半有小洞深險人不能至懸厓

飛瀑噴濺如珠又南二十里為三峰石參立如筍向北  
 石戶方廣若削向傳戶有二竇通兩峰緇流聚藏不戒  
 於律一道人過而叱石石閉羣僧殲焉祇留一龕可容  
 數人峰後峭壁皆數十仞又有松子石凡三十餘率高  
 數十丈又西南一百里有塔石石砦二大者容數百人

小亦百人 參張志

國朝吳家騏三峰石詩

宿輿向夕停顛厓蒼茫佇眺手  
 自又滄雲微靄忽開豁擎出三

撫青蓮花挺若檠與戟排若齒與牙參橫鼎立插雲表  
 絕壁千仞臨無涯向北開石戶僂僕而入通窅窕曩傳  
 宵窳達二竇喃喃魚鼓紛袈裟道人叱石閉緇流化蟲  
 沙祇留一龕與而曠枯坐摩詰猶跌跏青燐野火夜霍  
 霍孤蹤虎跡相交加語怪非所尚里氓徒街誇呼與欲  
 往阻幽仄樵徑詰曲如盤蛇前村山店和戶去迴首歎

黠歸飛鴉

衢孚山在縣東一百里土神曰衢孚山因以名麓有溫泉

北為河田山綿亘數十里林木叢翳邑所取材與安遠

接壤安息水出焉東北為通天峰火結岡又北東為鷹

嘴嶽涼繼嶽長老山綿亘如翠虬半入安遠界稍曲而

西為禾溪山羣峰羅列明正統中討石背賊駐師於此

又有赤岸山上有巫雲障馬顧岩蓑衣砦諸勝又東為

將軍砦土人避寇有神顯異退賊因名又東為周坑山

中有劈斧崖高百仞有泉名牛乳石規廣丈餘高數十

丈泉流規內遠視若跳珠又有大嶂山腰有泉大旱不



竭周坑之左為裏羅山中有龍潭周遭列怪石有方石可坐數十人右為螺峰下有石燕巖數門數洞可容數千人宣德天啟間賊據螺峰為巢順治三年廣寇復據其地其距縣東二十里有獅子巖依巖結庵又二十里有蝙蝠巖深廣二三丈石乳時滴

參張志  
縣志

青龍山在縣北一百三十里一作新龍山僧普濟卓錫於

此塔猶存有寺曰新龍又南四十里為靈麓山上有聖

壽寺產紫草

參張志  
寶志

壺山在縣南一百八十里頂有天池有石巖巖有風洞產

紫草藥果嘗見異花如白蓮蓋仙窟也舊傳山有龍井

夜則紅光燭天麓有寺曰大龍昔人以寺名山者誤相

並一山差小為小壺峰又東南二十里曰鳳湖山舊傳

有昔行僧趺坐而化塑像立寺今廢

參張志  
縣志

木公山在縣西百里邑山脈祖此頂廣數畝有天池土人

六月六日祈穀於此十人至池內可取十魚百人可取

百魚如數不能多也又西二十里為猶山上分九十九

面多產異果木公山之東為覃塘山今呼龍塘相傳有

魚化龍故名又東為雉山酷肖飛雉又東為下嶮山

參張志

志縣

平石山在縣南四十里流泉不涸頂有巨石方平丈許

參謝志

志實

武龍山在縣東五里為壺山之支邑治下流之關鎖山頂

一寺有真武銅像明知縣毋擇鄰建最高亭於上易名

騰龍山有碑文下即十八灘之稜角灘曾有龍躍此因

名東三十五里為樂平山石泉不竭又東四十五里為

雞籠山高八百丈頂平旁峻距縣北十里與武龍山相

望者為黃甲豸又名王家砦明知縣蔡自強建塔其上

今祀參實志

國朝魏書遊武龍山詩

孤亭最據武龍巔拔出高峰何曠然雄砥波濤環郭外勢凌塔

樓伏人前半生蹤跡成奇賞片聊松風結勝緣雨態雲姿看向盡紅輪又欲過南天

巫山在縣西北四十里接南安南原界有巖嶺其上多怪

石有巨人跡巫水出其下實志

大望山一名大帽山距縣南一百二十里高峻陡險頂可

望鄰境諸山實志

國朝謝啟廷遊大望山記

郡有崆峒席帽邑推香山聖山大望無聞以前志闕也山

位邑南百十餘里里三之一平地即可望山由小江徑進循山麓約五里至家黃沙龍越陌陟峻嶺經小庵側

逶迤林谷幽蔭蒼蔚泉從罅出瀉作水簾者甚多行可三四里有十二埧山頂壁立埧後恍在目睫折而東緣

山腰行美材嘉卉垂水藂峰鳥唱花墮綠薜如繡又四五里微聞雞犬聲迴首忽望崆峒席帽去雲一紙喜且

駭深入得民居修篁數百竿望屋後山頂不越數仞土人曰上此復五里願少憩予心否之拉全登取道西上

本無徑蒔茶者坎之以小松木尺餘截土為磴約三里許磴絕踏茅內小徑行石臨深谷不敢息瞬徑復絕歷

亂砂石間趾不遑措自民居入經四十九折始由砂石山後躋絕頂土人語果非妄也時溽暑無風躋頂風飄簸足搖目眩不可站命童挾持乃定土人復曰至九月不可上矣頂長丈一二尺廣七八尺孤撐曉絕列岫遙拱山固北向北有金鐘青龍穀山可望北之東曰香山聖山一望嶽崎磊落香山第二層外即前所望崆峒席帽嶽翠越現正東環以粵東安遠諸山望邑之大壺小壺二山濯濯吐秀東之南有桐子嶂雞籠嶂勢參霄漢望其界聯屬長定正南則近望半天遠望龍南歸美小武當南之西望龍南石夾山兩石劈立正西望黃柏望金盆嶄然屹立望三峰石宛屋三峻有石門草綠門楣又有龍南南雄諸山俱遠而西並人望中由本山西折復起為小望山山頂望之果小約計所望四五百里可謂大且遠矣土人又歷歷指其形似謂有似人立者坐者句厥頭者昂厥首者緩行者走趨者兩人比肩者數人數十人一陣者有似鳥飛者集者巢木者啄粟者似馬而長鬣者牛而突角者驟而怒蹏者象而捲鼻者駝而內鞍封起者霍然如虎豹之騰而下衝然如蛟龍之翔而上大如犀小如蚓者端如笏者垂如綬者方如珪圓如璧者如架筆者如布瓦者不可窮似客皆曰似然惟其有之是以似之予顧子姪曰烏乎不似烏乎似山之巍聳正大其十三經乎綱舉目張其廿一史乎瑰異譎詭其諸子百家乎識此可以歸矣因取舊徑下望東西兩水匯合北走只餘一縷明沙村落午烟上觸雲氣雲與烟送迎雲飛而烟不及追忽有雙雉從半嶺叢葦中飛出嘎然數聲墜入烟霧去回至民居既烹茶齋莊以俟時乾隆十六年六月下浣

句頭嶺在縣南七十里為桃江燕水下嶂其麓臨江南對

大帽山西南對三公石 即三峰石 諺云三公句頭戴大帽即

此縣志

興國縣

三台巖距縣西一里倚小春澗南三峯蜿蜒鑿石為龕度

池架閣俗呼觀音巖劉崧有三台巖記元末為旌陽道

院有放鶴看雲二亭故址山頂有真武觀即雷壇也越里許為江東祠祠前古檜二明初呂復與陳謨茅亭倡和處即此前志所稱榴岡是也培春亭翫翠亭皆在其處又有陽坡嶺呂復知止軒營邱山房遺址在焉巖後曰西山為縣治西南屏障南折二里為金雞冠嶺蒲衣道人長春院在焉有幻寓室葛藤窩清碧亭又有慈祐寺無邊上人所居並見劉記今皆廢明萬厯間里人作書院祀賢令吳宗周榴岡之北有鴻飛書院祀令何應彪王芮亦並廢其在縣北里許者有瑤岡赤岡

志

參謝志張志縣

本台案三台巖即觀音巖實志謂沈瑤構三台巖古一章乃王侍郎靈山諸景中觀音巖詩實誤為沈作今從縣志更正詳後靈山

又按興邑為損持前輩出宰之地當日遊歷所至聞見最確故張志載山水勝迹極為詳盡因援據成篇畧參實志縣志非敢自多亦欲求免瑣屑之誚耳若茆亭培春亭知止軒營邱山房諸遺址則詳見名蹟

東龕巖在縣東北入里相傳唐鍾紹京讀書處舊有古寺厓前有試劍石中裂欲斷宛轉數曲翕然而合中有石罅水深成澗鑿石架棧行半里許即龕也中可容數百人崖前有石筍石觚筆架諸峰又折而東兩崖復合崖水自靈湖來有巨鯉帶銅環云是紹京所養又有墨潭甕潭元提舉滕賓明令唐子儀有東龕十景詩張尚瑗

有記 參張志 縣志

國朝張尚瑗東龕記

東龕相傳為唐越國公鍾紹京讀書處屬上社村離城東北十五里

按地夾立岫穴空澗其腹若剝之其趾若斲之山巔翔舞籠罩於上碎瀑歔注行者皆濡衣中間地寬衍漸澶漫作涯澳宛轉數曲兩巖翕然而合中峙僅廣六七尺水深成澗澇者初沒膝漸過腰或至滅項乃鑿巖而竅之橫木為杠承之以板而行其上如履稜道如登懸度兩巖高數十仞仰眺青真容一線天石壁苔蘚蒙茸碎瀑涓涓不絕霑衣及膚毛髮森寒出入相遇者必側身避讓不可並行如是者半里餘劃然中開而為堂密所謂龕也龕離地二十丈路巉絕不易登巖穴空澗可容數十人國朝戊子兵燹村人多窳匿其中猿飲鶴居以苟全數日之命又折而東兩巖復合與前徑不異度其盡處不知淺里以無可登涉無有穴巖通棧者遂棄之榛莽之墟狹狹蛇虺之窟宅矣龕固奇險幽森好事者不可不一至其處亦一覽而足至於滌硯攤書撫琴流觴勢所不能舊傳所謂石案石硯與十景之題皆未必信然惟兩巖外壤地夷曠昔有東龕寺刹宇頗盛今

煨燼盪然矣計越公於桑梓山水之地或屢至而遊焉未可知讀書臺之說顧第弗深考然古來山川名跡必藉其地之人以為重而賢士大夫所產之里所歷之墟亦必能使其地因之不朽若昭明讀書臺之於京口李白讀書於匡山孫明復石介著書於泰山祖徠此實有其事而名隨之者也韶石之曲江讀書處此因其地之人而名託之者也與邑之偉人必首稱越國公則東龕之有令公讀書臺也不亦宜乎嗟乎人顧所自立哉

元滕賓東龕十景詩

讀書巖 巉巖石室漱江東舊隱

聲時落半天風 靈瀾石 巖竇中開小有天蛟龍潛  
蟄幾何年不輕奮鬣為霖雨時傍雲根吐翠煙 筆架  
山 俯揖前山錯落橫珊瑚架聳筆花生我來欲醮滄  
浪水仰首摩天寫太平 銅環鯉 洞宮曾此扣銅環  
解卻金魚掛壁間一夜風雷 明唐子儀東龕詩 讀書  
天外動化龍飛去不知還

女媧煉遺補天石六丁下鑿開巖室山靈呵護不敢居  
留與中原貯祕籍至今猶聽啞聲罡風吹度淵龍驚  
白雲萬古封故迹汗青歷歷留芳名 試劍石 怪石  
兩分自中斷形勢巍峩色蒼紺令公試劍劍有神應識

當年平內難鋒鏖不須耀雪霜匣藏三尺紫電光若教  
 砥礪刺犀兕空使李廣彎弧長 筆架山 兩沐蓮峯  
 青采采移來宜付中書臥東溟為硯雲為箋寫遍長天  
 愁欲破令公手攜登玉堂鳳池波浸山蒼蒼龍蛇驚鵠  
 有神助九霄夜貫晴虹光 銅環鯉 放生湖中有金  
 鯉身帶銅環弄清泚多年變態化神龍三十六鱗雲氣  
 起已能濟世成甘霖汪波涵育德澤深 李天敘東龕詩  
 霧鬣茫茫不復見千年空負琴高心  
 讀書巖 紅透疎櫺日正東淒淒芳草憶鍾公山禽猶  
 識讀書韻時向巖前噪曉風 筆架山 玉峯次第插  
 天青俯視三江一視平想是仙 國朝蕭師諤東龕詩  
 翁曾擱筆朝朝此處有雲橫  
 令公巖迹未曾湮况有文章託後塵鉛鋸到今人是柳  
 桃源一去地非秦石緣瘦削凋青髮水自漣漪濯錦鱗  
 不盡徘徊今古意 蒼崖忽破曙光開澗  
 半山斜日照遊人 黃文澍東龕詩 底人行繞綠苔樵語  
 隱聞天上出白雲時已足邊來劍分萬仞非頑鐵豈起  
 千年有迅雷相對徘徊忘薄暮霜林斜日滿荒臺  
 靈山在縣東十五里即南康記之玉山也趙清獻題詩處

有獅象香爐鉢孟錫杖五峰

謝志

有古寺枕負巨嶂拔地

數十仞半壁一竇中石像趺坐俗謂飛來佛有方竹逕

芭蕉洞滴珠泉匹練泉皆山中幽勝也寺名龍華宋鐵

船僧自廬山來面壁於此明知縣唐子儀有重修靈山

寺記其洞口曰獅子巖蓋五巖之一也兩山壁立一小

徑達巖名一線天又靈山背為石哈兼有寶石臘石之

勝而險怪過之靈山北折五里東西竇穴相綴如剖髻

側立狀舊名百間房知縣張尙瑗易名重巖鐫題東巖

其西巖旁窟曰別有天由重巖側入偃僕行數十武仙

女潭在焉潭廣數丈相傳神物隱現禱雨輒應

參謝志張志縣

國朝張尙瑗靈山記

予所見山之怪奇以嶺南韶石為最說者稱其蠢若危柱掛若堵牆

圓若廩圉半削如瓠瓜首尾翹翹似舟航方驅如布帆廉起如檐宇非山石之所宜有者而有之故足奇也然其體擁腫而理峭疏腫則無秀骨嶺則無迴神若律之以衡坐黃廬包山天目之勝不能不分席焉蓋造物之別開生面也庚嶺之南脈以韶為首南贛北承其支絡興國為邑界乎迴巒復礪之中小者歸而大者扈一無透迥之致動人神骨其體質之擁腫峭疏亦相承有自來矣邑人皆艷稱靈山余以暇日往觀焉曰鐘峰者形如覆鐘峯尖亦與迥紐最肖曰鼓峯者不能甚肖鼓與鐘峯並列而圓徑廣倍之故並以名也曰香爐峯者刃不甚肖爐面寺門正峙坐方丈對之若列几案為佛供由是得名也稍迤而右驥首昂藏矯顧怒步而紆其喙於香爐峯之下者曰象鼻峯遠而孤銳刺天者為石筍峯谿迴路別瀑布傾瀉巨石承之頽唐如龍胡下垂者曰龍王石自餘鳥企虎厲雲垂海立或為劍弩森張窺極致開絕勢竊狀莫可名似舉非山石之所宜有者而

有之亦足奇矣寺所枕而負者為巖音巖廣袤數倍於林立之諸峰層城複堞縹緲迴翔動盪心目絕地數十仞巖穴空洞可容數十斛有石像跌坐其中俗所謂飛來佛也寺居巖腹最窮深處灌木叢鬱於後極絕壁大雲俯臨於右廡盛夏常無暑氣與如也竊念予之來此以滯才而居巖官既日習於蔬蕘餽疏之中而猶欲曼詞以自解於一琴一壑搜剔其奇以別開生面亦不宜有而有之者矣禪子謂曠與奧各有所宜居今日而欲趨然遐舉居高明遠眺望分不可致惟是收斂其神馴服其骨以相求於背城安靜之境則禪房曲徑所得為不少楊侃遊靈山歷仙女潭記侃以丁亥仲春焉是為記

楊侃遊靈山歷仙女潭記

侃以丁亥仲春

師張太史遊靈山及仙女潭記又見楊古度沈成廈熊來周劉宗衡吳松若諸君所賦詩悻悻思往遊不果既劉子從南昌來示所撰二記更闢酒醒誦之擊節五月之望遊金斗山馬上望靈山諸峯濯濯雲氣中訂遊益勇乃以是月十九日偕劉子暨陸子杞莊並轡往遊焉出郭日亭午暑甚將雨須臾雲益集衣袂間軒軒得涼意急行抵源頭即靈山入徑也兩山並峙障日騎行石齒間泉淙淙從馬蹄下作聲行二里許石壁益陡峭湧

出天平香爐鐘鼓諸山參差羅列有觀音巖嵌懸巖之  
 半巖中石像縹緲下瞰而巖上竹樹如繚垣入寺至僧  
 次燈與其徒來迎劉子相視而笑蓋茲山劉已四遊云  
 稍憩僕夫以將雨促歸僧曰仙女潭近在眉睫獨不顧  
 耶遂解鞍止宿日向暮雨不止出尋溪東大方竹逕兩  
 巖嶽敬仰視碧漢闊不盈幅碧薛中雜生秋海棠鳳仙  
 山桃花風蘭紺蓮之屬稍折則方竹森蔽新蕉數處經  
 雨後色益鮮瑩踰小澗陟石級忽空曠可坐眺舉頭見  
 石峯參天黝黝間錯拔地數十尋窮山逕復得珍珠泉  
 噴薄圓滑頃刻盈數斛轉寺門又西走龍王坑兩石撲  
 溪上曰仙人橋坑半有巨石昂首眈眈出雲表曰龍頭  
 巖俄而殷殷雷鳴迫視之乃匹練泉得雨勢壯居然素  
 光搖曳成瀑布返寺浴罷次公為陳伊蒲饌煮茗滌栗  
 焉夜就枕聽風雨瑟瑟從巖後作江濤聲晨興飯後庶  
 次公堅欲為遊潭導行數里舍騎攬衣緣山側幾不可  
 步又下度埜間從草中沮洳行抵潭路愈峻聯步數十  
 級行者生喘再陟到百間房則石障百仞排展如屏風  
 中作四穴如半剖瓜匏剝其中者大小數百相綴山中  
 猿猴以為窟穴也則一黑猿居前兒孫累繫攀採山核  
 充食或聚果穀釀酒巖間土人呼為猴酒及潭徑益險

如猶循樵徑下山涼風南來執轡者候於路乃緩轡入  
 城予觀靈山奇邃秀拔較之世傳道書所載浙內洞天  
 福地諸名勝雖木抗伯仲行然窈而深繚而曲挺特表  
 異至此固高人韻士樂為品題位置者也湖口之石鐘  
 黃州之赤壁不得髣髴公記之賦之幾何不泯泯於山巖  
 水涯哉次燈為劉子言山與潭韜晦久矣自永樂初唐  
 公子儀撰碑咏詩後垂三百年無嗣響者茲張公來遊  
 乘歌嗣三載後探奇勝者踵至篇什遂多君誠締吳君  
 松若哀輯而梓行之遠近人士必有作十日留者山光  
 潭影不與詩若文之光華互相映發乎 吳之章靈山賦  
 予深嘉其意因欲與吳子共成之也  
 激水東北綿亘噴吼幽巖邃壑沓嶺層巒蜿蜒紛糾厥  
 名靈山作東方之巨鎮為平固之大觀翠嶂千尋列其  
 外頽崖百丈隱其間寺古而流雲長鎖山深而積雷不  
 刪欲窮此中之奇奧須費旬日之躋攀其峯則石筍凌  
 空香爐拱秀鐘鼓峙其旁鉢盂覆其右天外之石萼並  
 撐雲中之蓮花爭透其餘岌業嶙峋龍嵒屹峙者悉等  
 山端之列岫其巖則有鄰霄環縹重巖響泉獅子伏虎  
 跨谷蹲巖如堂如室如庭如軒高可十仞廣或數筵噓



嶺羣山之雲氣吐納百里之嵐煙他如丁開峭削登絕  
 攀緣可望而不可即者千古讓飛來之金仙其泉則有  
 仰湖仙潭滴珠白練裂石逆崖鞭雷擊電如怒龍之下  
 晴天如渴螭之投幽澗至於滄泓淵澗瀦冰盤不如清冽  
 甘香鬼神可薦其洞則雙崖並峙一淺中分下臨絕壑  
 上逼無垠盛夏而驕陽不到隆冬而春色長存雷殷聲  
 而疑虎風度映而聞猿其藪則有石竹芳蘭瑞香蘭桂  
 薜荔芭蕉馬蘭石薤金橘海棠紫薇朱奈郁秀芬芳續  
 紛藻繒花氣集而空濛翠光潯而晻曖尺壤蒸五色之  
 芝拳石產叢莖之蕙凌霄高百尺之標方竹挺四時之  
 槩經歲寒而不雕歷燠乾而逾翠其中則有盤攫之松  
 懸崖而竦纓絡之柏列岨而生枿欄摺樸橘柚晶瑩楓  
 丹映日相赤烘晴玉梅鬪雪仙李逢春白鵬練鵲山雉  
 倉庚遷喬出谷響谷嚶鳴麋鹿遊而呼友獲採出而尋  
 盟或儻儻而俟俟或徑徑而臻臻自虞人之不禁而樵  
 採之相尋空餘朽株與樸檜曾無茂樹之陰森然而泉  
 石煙霞素稱饒裕豁山景物不覺凋零猶足點綴林巒  
 之勝流連遊覽之情爾乃寺結精藍山開華藏鴉棟嵯  
 峩禪關幽敞門開晚翠之屏憲列迴天之嶂蒲半疎出  
 谷之聲聞黎多超塵之况日惟種雨與耕雲時或尋山

而東林山... 士選勝搜奇... 騎懷愜欲對景... 乎一邱一壑皆有樂地... 處士之買山而隱賀秘書之乞湖而居於是山也吾將  
 挈釣詩之竿裹入世之足躡赤松之芳蹤結梅花之書  
 屋臨清流而濯纓採紫芝以辟穀何必遍五嶽之遊而  
 動窮途之哭也哉

明唐于儀靈山十二景詩

鉢孟峯 天地鴻濛火開闢  
 知有神僧此留錫圓峯形狀

如覆盂萬古巍然著高跡愚公用力山可移鬼工獻巧  
 那能施直恐黃龍在其下晴雲冉冉微風吹 石筍峯  
 尖尖峨峨如筍長高標勢欲凌蒼蒼千年風雨不成  
 竹只訝籜龍頭角藏玉版禪師人不識石頭路滑行難  
 得森羅何似錦棚兒雲吐風吹倚天碧 伏虎巖 空  
 巖奇偉如伏虎猛勢爭獐自今古陰陽二氣幻此形留  
 與神僧傳佛祖頭城尾旌徒自豪寒雲落日風蕭騷幾  
 回出定坐清夜長嘯不聞山月高 玉珠泉 石竇流  
 泉瀉寒玉激石崖懸洒飛瀑是中疑有蛟龍眠噴出驪  
 珠三萬斛輕跳亂撒難再求相看泣對鮫人愁山僧漱

燕諷經罷冰簾夜挂明月秋  
芭蕉洞 芭蕉種成陰  
作洞九夏涼生禪榻凍誰言  
脆質不禁秋大葉披披搖  
翠鳳禪餘坐對情依依  
題詩寫遍日暮 歸幾回吟罷  
心境寂碧色遙映袈裟衣  
國朝王思軾

靈山詩 靈山 名山洵多奇  
靈秀冠茲邑 間氣亘輿圖  
殊形表坤極 諸峯鬱青蒼  
羅列數百億 得無創

構初實煩造物力 顯晦自有時  
天巧不遑匿 匿軒然神鬼  
工翻爲後人得 遐思羨飛騫  
嘉覽奇登陟 寧辭杖屨勞  
一往窮不測 巖巒數虧蔽  
林果富封殖 江濤迴練光  
石壁類鐵色 乃知禽向遊  
向嘗限封域 五嶽安可尋  
三山

未能卽回首 眇曠觀層雲  
盪胸臆 觀音巖 花雨飛  
寒香長夏無 炎景誰將普  
陀巖超然 置人境 大士盤  
跏端 居契深 靜上覆林木  
陰下俯水天 影清響迴涼  
颯 餘霞帶輕暝 佳約欣始  
諧 游目時一騁 屢聞溪鳥  
喧 但

覺石泉冷 隱雷過南山  
夕陽破西嶺 幽壑瀉復停  
連峯散逾整 白雲若彼濤  
彌望數千頃 自顧機事捐  
况乃幽思併 皎月照上方  
踟躕漏初永 香爐峯 西江  
匡廬

峯香爐最雄傑 日出盪層  
霄恍覩紫煙蒸 茲山從何  
來 氣勢宛相埒 壘嶂覆  
寒雲 懸崖破積鐵 造化侈  
壯觀 玩好極陳設 狀物實  
肖形 命名紀前哲 左顧祇  
林幽 右帶

蘇裂木末迴斜陽 飛翠互  
明滅 須臾見金光 連蜷挂  
巖 霓如彼焚柴升 崇窮罔  
不徹 天門做虛無 臨風數  
蕭屑 鐘出注介巋 然一峯  
尊特立 當險隘 初無斧鑿  
加 胡然

著靈怪 巨石每孤懸 清溪  
儼雙帶 縹緲藤蘿纏 纏深  
沈風 雨灑蒼蘚剝 蟲蠹奧  
草紛 蕪蕪委地寂 無聲或  
恐追 紐壞杖策得 殊觀驅  
車情 言邁乃知皇古前 造  
物施狡獪 俄聞迴颺生 鎗  
鏦發天鎮 願持寥廓音 於  
焉驚聾聵

象鼻峯 崩雲墜太虛 委地  
如寸土 矯勢復孤鶩 亭亭  
植天柱 迺過客快指 觀番  
象飲溪 許是物有殊 能赧  
物以 鼻取臨流尻 逾高降  
渚首 彌頰洞壑多 豁舒利  
齒紛可 數豈其眷 清澄佇  
立自終古 丹泉靜涓涓 白  
石鑿楚楚 剝蝕篆蟲魚 騰  
驤驟羊虎 茲峯獨不羣 巍  
峩邁倚伍 髣髴

胡石 軒皇上升時 龍胡自  
天落 突兀化雲根 憑虛人  
寥廓 山勢偶一迴 惝恍見  
頭角 下垂百尺蘿 上引千  
尋 濕谷腊俯頤 頽巖空展  
漸 鱗片石態轉奇 于思安  
所託 得無天紳懸 或乃地  
維絡 陰藓脫之而霜峯 破  
廉錫 恒恐風雷驅 終宵奮  
騰攫 胡爲至陽精 沈淪在  
幽壑 人情

喜更新造化忌穿鑿誰勒山阿銘於以靖謠詠  
泉 山川無盡藏靈源不擇地細此百斛泉矯作千尋  
勢驚鷗灑巖洞紛然寶珠墜震盪迴江濤真濛洩雲氣  
疑有蛟人宮微茫隔空翠時於飛瀑懸潛隕絨綃淚或  
乃藪澤間虛無它神異值茲巨靈掌竊取驪龍睡居高  
出以時澗遠隨所致始知大造宏實為萬物利蕭骨轉  
喬林陰寒停蔭荔幽賞在名區臨風累遙企 方竹徑  
山行不厭遠舍宅入幽谷兩厓逼烟霏一徑墮雲木  
巖蒸石氣青壘繡苔紋綠仰視天漢光徧側不容幅豈  
伊昧往還前路紛以曲夾道多修篁蕭森削寒玉託體  
惡輕圓孤生具節目為憐勁直姿詎畏風霜肅顧步境  
屢遷欣賞隨所觸陰泉澗暗聲秋花展餘馥緬遵去程  
遠未遣征途速與盡行歸來披雲候樵牧 芭蕉洞  
石乳溜懸厓玲瓏闢溪洞精鏤鏤皇朱霞結梁棟來  
從萬山間地脈每一縱遂壑互網維連峯交引控俄逢  
奧室開向覺前除墮壁壘巨金城巖扉剖銀甕於中漸  
坦夷產物亦已衆嘉樹羅隱夫芳條綠平仲甘蕉最著  
鮮聯行若相踵流響播笙等翔空翳鸞鳳稍濡零露灑  
始念秋寒重植根幸有涯全生類無用寄語北山靈幽  
懷託吟詠 重甌厓 清溪貫兩山前征路逾緬西厓

盤陀披雲下圓轉側見孔竇垂俄規蜂房展伊誰埽  
覺羅列緣絕端人力欣始如於莽亦已剪磴道資攀援  
林局足游衍肯辭疏澗勞彌覺高深顯陶穴太古風  
跡尚題勉累棋勢苦危運甃智 張採靈山紀勝詩 環澗  
恒淺遙思抱甕言於以安尋蹇 峯茲山靈所屬懸崖捲  
細響恍絲竹我來天氣寒異卉尚芬馥蘭蕙白瑞香歷  
亂綴山曲竚窳穿仄徑芭蕉與方竹空巖石氣青恍觀  
蔽天綠山僧解好事分題競刻燭清晨遊筇更了仙  
潭局折入數里餘出畏峻嶺觸目眩神已疲扶攜轉  
丁潭深不易臨取徑人巖腹巖透十八間間間折且蹙  
距潭近百武嶽空勢轉促手臂相因依蛇行而匍伏諸  
君意興豪蹴踞如平陸老我脚力衰晚視亦驚忽淪茗  
品寒泉臥磴藉芳藪誰以石投潭隱 林棟獅子巖詩 乍  
隱雷聲朴悵然瞻忘歸頽陽淡西麓 寺僻鶴為鄰心  
一徑入溪濱相對悠然隔世塵大士巖最高雲作伴孤  
烟迷峯路斷歸 林植獅子巖詩 長林薄暮歸途遠又復  
時恐失武陵津 攀躋看翠屏一線微分

巖上路半天斜出石邊亭人隨鳥度鐘初動僧待  
雲歸戶未高回首靈山何處是孤峯烟靄欲無青  
鍾谷  
蘭靈山詩載酒尋山寺陰森萬壑寒嵐痕迷洞谷翠色  
上衣冠古道蒼苔滑秋林落葉乾數峯烟帶  
兩知是霧中看

金斗山在縣東十五里赭阜峻峭自趾達巔無寸土陡絕  
處鑄石爲級以通行者有真武祠岫有盧公巖舊傳盧  
禪面壁處一云盧冠巖所嘗遊巖前有洗心泉仰出石  
上暑暍不竭背爲瀧石洞出紅石其下有瀧下灘至瀧  
上灘凡三十餘里中有石嶂絕路中官謝世安鑿而通  
之然終不能容舳張尚瑗鑄釣臺二字於壁作瀧石記  
又距縣東三十里曰花嶺三峯秀技卽形家所謂筆架

峯也  
縣志

國朝王思軾金斗山詩

虔州古豫章靈嶽望盧阜其外  
茲山尊崔巍應南斗下發激江

源巖谷自牝牡崇嶺鬱岩巖連岡互紛糾上顧天門高  
下鎮坤軸厚紆迴抱城郭磅礴帶林藪諸峯競趨踰踰列  
嶂共先後亦如衆星朝北辰執樞紐細睇良方輿爲形  
實峻陡勢壓崆峒巔險出雩都右二水并三江一氣納  
八九稊米視川原茹吐量所受方知大造奇賦形無不  
有斯理誠難明能者爲一詞矧乃景物嘉俯仰得兼取  
絕壁聖丹黃昏厓寫深黝雲縈灌木陰石瀉清泉瀏振  
衣陟青冥憑高絕氛垢河漢淡鬚眉烟霞落襟肘我昔  
愛名區郊垌臥來人商芝種滿園楚蕙樹盈畝時編薛  
荔裳或偕麋鹿友中歲入風塵頻年事奔走服食羨松  
喬容顏嘆蒲柳徒懷禽向遊取笑沮溺耦夙願果獲諸  
良期寧忍負荷蓀出田間躬耕依谷口興愜寄圖書忘  
機對尊酒晏子齋牛山羊公悲峴首千載諒如斯令名  
垂不朽

羊山距縣西十五里土人改呼爲陽盧寧謂山以羊名象

形也改陽爲失實仍舊稱遙與贛縣麂山埒諺曰羊山觸鹿山伏巔有龍華寺東向拱邑城山半有泉甚甘冽又有靈泉在寺側俗傳有仙人伏地飲之跡折而南土名西江徑險而山色殊秀與贛縣龔公山相屬上洛山在其間舊傳有木客自云秦時造阿房宮採木避隱於此食木實得不死或云木客乃魅類言貌似人能斫杉枋與人交易就民間飲酒賦詩自稱太上隱者云舊傳

山上有石墨可書

參張志通志縣志

國朝蕭相經遊羊山詩

殘暑薄秋冥絺綌猶在御招尋度古邱恍與竹林遇邨喧稻擔

歸溪咽水聲駢盤回上山麓點點白雲鴛半空憩石稜草岫俯可數岬岬遙在望羊鹿相抵牾躡步陟層巔

新老僧任闡給企昔賢劍餘殘句清詩故無匹妙語孰參悟頽陽不可留檄檄風生樹回首望衆山蒼煙莽週互

雙龍巖在縣北二十里兩巖深廣可容數百人巖頂平敞

處號仙人碁盤其旁竅可偃僂而出俗名通天巖康熙

間知縣張尙瑗以巖對臘石砦諸峯大小三十六合嵩

陽之數改名對嵩巖鑄於石壁西行數里曰寶石數峯

員峙一名員石有伏貌巖亦名獅子巖縣西北四十餘

里有定光巖泉出石上東南有小邱五六形如覆孟張

尙瑗以敦邱名之鑄字東石壁邑人曾先慎有記石壁

下有天然魚樛

參通志縣志

國朝曾先慎敦邱記

興國治之北四十里有邱曰敦邱太史張公出治興國之六年所表

建也邱前有山嶽然相向夾谷而馳谷中外石小山累累或遠或近躡者穴者蟠者為懸鐘為覆孟磊珂錯列望之森然溪流從邱下幽幽然邱起水中岸立百數十仞橫廣參之澄潭黛蓄橫入邱下數仞巨石為底多鯀魚其巔異木翠蔓蒙絡懸綴上下披拂冬夏常蒼蔚有奇氣公之出為令也令之事舉無足以累公故暇日常多時時出求山水奇勝至於攀緣上下幽隱窮僻人跡所不至者無不至焉敦邱在荒野窮谷舊未有名公過而異之以為有當於爾雅所謂覆敦之義者因舉以名邱勒敦邱字於巖壁之表題名其旁於是遠近好奇之士無不稱敦邱昔柳宗元喜得鉅鉏潭西小邱謂當其茲邱之未有遭也田夫漁父過而陋之遭宗元而百世之下人猶想見其奇勝夫天下之物固不能使過者之必與與而陋之則必其有逆於其心故不惟忽之而又非之吾以為此豈獨田夫漁父雖有好奇之人志惜於利則好惡悖能蓋不為田夫漁父之陋之耶嗟夫天地大矣豈無懷奇抱學岸然不倚之士彼固不求人知而世之庸人鄙夫不惟陋之如田夫漁父之陋茲邱又將

於荒嵐野水幽谷之中使天下後世人思敦邱之勝不可謂非茲邱之遭公於山水其好之如此使當公世而有懷奇抱學岸然不倚之士其好之必倍於石也予於敦邱見之矣

國朝鍾自持對嵩巖詩

古壁青蒼翠欲流虛巖如壑可容舟夕陽霧靄矇矓裏三十

六峯面面秋

方山在縣北四十里邑鎮山也狀如疊矩高十里上有仰

湖四時水不竭山頂出雲城中輒雨諺曰方山戴笠滿

街著屐山旁有巖如屋里人因其靈異祠之又數里為

張公山亦方山之支翼

參張志

覆笥山在縣北八十里昔涓子發石笥得祕書十二卷因

以爲名山高二十餘里東望金精西眺芙蓉北接青原  
南瞰章貢爲一邑羣山之宗上有平湖周數里湖中石  
雁春秋羣飛有古祠多靈草異物今皆蕪沒惟兩泉法  
然及紗帽峯馬鞍石諸勝錯落於南厓間而已

參張志  
縣志

國朝伍彭年望覆筍山詩

天半亘雲梯迢遙不可躋翠  
環千嶺秀雄壓萬峯低碧嶂

盤孤鶴飛泉飲斷霓何當探玉牒埽石一留題

池源山在縣北三十里池口有南北兩峽二十六坎深闊

幽隱疑爲神物所宅明唐子儀旱禱有應爲文祭之又

距縣百里曰任山前有九峯相連皆向任山曰九老峯

參寶志  
縣志

秦娥山一名白雲峯在縣西四十里舊傳唐時秦娥自楚

來虔得道能致雲雨有東西二井及曬衣石衣影猶存

一曰秦娥古老女士人立祠祀之每三四年雷必一發

其處張尚瑗額以雷峯雲海有記山腰曰君子嶺山麓

曰櫟樹崖其與秦娥對峙者爲黃峯山上有朝陽巖又

有黃瓊嶺夕陽嶺嶺麓有夕陽泉距秦娥皆二十里

參  
張志  
縣志

國朝張尚瑗遊秦娥山記

興國秦娥山以祠而名爲邑  
人及頓泰和萬安里俗翁嫗

禳禱奔走之地香燈膜拜嘗踵於路秦娥之跡誕曼承  
訛舊志稱唐時自楚來虔得道能行雲雨近者王封公  
徵泉先生則以爲孝女其說於世教有裨亦無明徵  
國初祠燬於寇康熙己巳僧函濬募構三年乃成歲乙

西僧崑智復營前棟皆鍊瓦石坦山勢聳而巋拔地十  
 五里風雨砰擊澆脆者易於摧泐故庀材為艱每春雷  
 動蟄三五年中必一發其處破楹及莖輒復更葺以為  
 常祠東西各一泉凡山祠必因泉絕汲不可栖也戊子  
 八月下浣余以公暇遊焉道龍坪過鼇源計程六十里  
 鼇源在山坑中地勢已高復十餘里造白雲之巔乃得  
 祠踞邑之西鄙祠面東拱向與邑曠望百餘里諸山林  
 立殆千百數無不出其下入祠觀雷擊柱若剝其中乃  
 丁亥春新震者僧曰公之來幸早少頃大雨至矣顧左  
 右遠山皆滄雲兩腳下垂絳虹蜿蜿起於山前俯視猶  
 在四五山下貫諸山之巔諸山參錯而虹直諸山高下  
 而虹平諸山斷續而虹若麗若懸橫亘自如既漸遠山  
 不可見虹乃入於雲際良久雲合迷離虹滅雨至相與  
 入祠避雨夜分兩息涼月窺檐夜氣淒然甚寒黎明僧  
 啟戶請觀雲則白雲如團絮如堆雪瀾漫布漫於山之  
 腰祠處溲然而清泱然而皎下視雲所積去祠亦三四  
 里諸山為雲所汨爭露其尖千百培塿若溪灘亂石洞  
 現出沒於水面山尖皆黝黑色以雲白相形故也逡巡  
 紅日升於場谷山色紺赭相激映雲乃霏霏奕奕蕭索  
 飄颻漸滅漸微以迄於盡憶予入闕行江郎山中夏雨  
 抵磨厓碑日次馬中忽風起雲涌比肩離立不能相顧  
 疾趨而下十里乃撤二者皆雲上而山下其景相符茲  
 則山上而雲下矣豈十五里之白雲峯出秦岳上乎聞  
 之黃廬二山有雲海意者其類是乎僧言此山中凡深  
 秋之雲皆如是夏雲甚淡冬雲則汗漫無際祠亦纂於  
 雲中予乙亥池陽渡江作飲虹記以虹宛轉後山不能  
 麗天乃今所虹乃麗於山之屏者山高則虹不越不較  
 然乎與國在萬山中山龐雜不可名秦娥山之名里俗  
 以禳禱而趨之其說不足徵亦不足辨求其嘉樹珍石  
 足以賦咏盤桓者亦一無所有獨其能蓄雲又能召雷  
 而予之來登也適與虹值聊述而傳之不可謂非山之  
 藉是以名云

國朝詹宜倫遊秦娥山詩

諸峯環列鬱崔嵬穿穴憑崖

躡雲雨信依稀新烟午湧晴難樹曉霧初零暗溼衣清  
 籟遙聞天外奇恍疑羊鶴傍空微

萬磔龍泓距縣九十里兩崖壁立瀑布飛下數十丈三折



瀕為池廣二三畝巖石皆蒼潤掛壁松檜為虬龍形舊名龍湖知縣張尚瑗易今名

國朝張尚瑗萬礫龍泓記略

萬礫龍泓北去白石村二十五里西距方泰東南距

佛嶺皆二十里重岡複嶺近數里內無耕藝者樵採間一至焉舊志稱積水成湖風雲變態遙聞城市喧闐聲余必欲一躬造核其實無解事導引登陟紆誤疲於覓路至則深箐怪莽邈無人蹊西隅稍有犖确可通吟者乃伐木鑿巖以通之衣短後蟻螳緣而下行一里餘以達於泓東西縱可一里許南北廣四分之一聲鏗鉤如雷水皆震盪作傾簸狀顧猶未得覩瀑也泓之西深窟不可測東有巨石橫絕溪面人乃乘之以渡深者及肩淺猶及腰予為從者負而渡於南崖北面對瀑瀑之廣十餘丈仰望崖嶺數十丈而氣勢砰磕若從天而下其上稍東折復自東稍折而西以入泓承瀑之壁復多窟穴注者汚者磅礫飛散不風而翔成雨而驟立南崖觀者濺沫跳沫霑灑襟袂頃刻皆成淋漓疾雷奔掣白日晦冥凜乎其不可留也且石皆蒼潤掛壁松檜為虬龍

形水花多葦蘭山丹鳳仙之屬楚楚娛目按礫之為字爾雅說文未之詳知見陸子象山集中江右方言也閩山多可滌乃山水相際之義泓尤際所叢萃故名萬礫售志闕聲者瀑也風雲變態者瀑態也樵夫野人不知為瀑而驚顧傳為操筆之人又未嘗親履其地宜乎鹵莽而失實矣余擬甃道使可通行并鐫龍泓字於壁以與後至之賞奇者共焉

國朝陳沂震萬礫龍泓詩

雲山重疊水分派巖壑瀾深

有神龍藏狡獪龍行上天水為宅澄潭深窈人不測憑將噓吸水爭趨噴薄飛泉落千尺經過虛莽苦迢遙崎嶇詰曲行三朝卻從峻嶺下深澗接踵引臂如猿猴乍窺奔龍己心喜漸覺砰鏗聲入耳官然異境非人間絕壑峯崿不容趾褰裳濡足踐危石飛沫跳珠頻濺激舉頭峭壁插青冥迸散懸流轟霹靂水歸龍窟便如龍蜿蜓天矯常飛空上盤下折勢不定銀河雪練難形容同行年少誇矯捷直上巉巖心不懼憑高對瀑境彌親愧我孱軀跡難躡咄哉異境人不知紀載緃繆傳聞疑探奇闕險由明宰羈客遭逢豈自期峯巒蔽虧雲物晦未

補已評陽烏墜策杖歌呼度嶺歸只愁潭底驚龍睡

崖石砦在縣東八十五里從蕭公嶺迤邐而入絕壁萬仞連亘數十里文信國避兵其上後有登者獲鏡與寶劍以歸其對峙者爲赭嶺牛嶺又距三十里爲蜈蚣山與五門蓮花洞螭蟬相聯屬蜈蚣以山形跂跂類百足蟲故名陳謨以爲胡公山後人又以盧寧得民復改爲盧公山腹背與寧都永豐錯壤元末爲賊窟康熙十八年撫定閩寇始以武弁駐防又有鯉公鯉婆兩寨亦巉絕不可上卽黃惟桂招撫張浴妻處

參張志縣志

大烏山在縣北一百三十里高二十餘里過鐵籠嶺爲龍

頭灘有黃坊隴石上有鹿跡虎跡大烏山之巔有三仙殿殿東向設龔楊劉三人像皆僧服鄒元標額以重蜡報功今廢殿前有坊三一永鎮江南文天祥題一烏山勝境鄒元標題皆存一進步登天解縉題今圯殿後有石穴二名風洞雨洞今亦土石填塞山址延袤東楓邊南茅坪西大龍皆輿境北則廬陵淳化鄉矣楓邊內二十里有密石砦名小烏山以景從大烏爲義其南二十里爲白石山山下有清風亭白石泉

參張志縣志

三陽磔在縣北八十里下爲竹管峒叢篁萬頃三十餘里無雜植民舍及器具皆以竹爲之磔高三里許石泉飛

迤積瀑成池居人構水榭臨其上

張志

蓮花山在縣東一百四十里亦文天祥駐兵開行府處累

石為城基址猶存鄒公寨五門洞皆其支脈

參縣志 張志

大嶺在縣東一百八十里東界寧都知縣黃惟桂書山頂

石壁曰地險心平西四十里曰包家山上有石穴曰透

龍窟兩則氣上騰又西四十里曰夜龍山一峯如筆錦

水遶其下曰石華山山麓有庵又西二十里曰諸家山

相傳有石穴仙鬼棲憑人跡罕至今則村舍環居矣

參縣志

志

奇峯山距縣西南二十里麓有二巖絕頂有三仙殿又十

里為圓峯山冕嶺西墩嶺亦介其間又距縣西四十里

為疊山山有社石如龜形

參縣志

瑞山在縣南十五里山土裂邑士必登科故又名掛榜山

又兩山對峙壁立千尋者為天橋石上有飛泉高百餘

尺中有石橫過如橋故名又與朱華對峙者為龍虎巖

又狀如倒笏橫亘江面者曰橫石

參寶志 縣志

花橋巖距縣二十里大小二花橋相去里許東西崖壁高

數十丈山西有僧舍南有迴磴曰石罅自此而北有槎

嶺馬嶺大獲嶺福嶺鐵甌嶺又一石如老人佇立者為

老人石四面斗絕下開石洞避寇者於此為凝門寨距

縣西北四十里為陳嶺背距秦和浪川洞二十里實處

吉訶塞之地

參縣志

太平巖在梅窖距縣一百六十里在常清觀後內有石竈

石人水臺竹橋之勝與雲交界處有石如二龍對臥名

分龍石又轉而東為羅經石隱具子午篆文里人多習

形家言

參寶志縣志

又西... 文... 天... 石... 篆... 文... 篆... 文... 篆...

又西... 文... 天... 石... 篆... 文... 篆... 文... 篆...

又西... 文... 天... 石... 篆... 文... 篆... 文... 篆...

參縣志

